

大原齋生詞堂

修義并言七十

昭妙并言三十

備言五十一

長治縣志卷之四

志六

藝文志

經部

明李新芳周易大義

佚

朱勛滄諸禮證類一百三十卷

佚

案勛滄字雲峰陵川王宗室

國朝王廷鈞中庸說畧一卷又評李岱雲四書朱子異

25116



同條辨

見潞安詩鈔後編

程之瑋朱翼輯要一卷

見潞安詩鈔

常瑞五經說畧讀易一得中庸說畧各一卷

存

案中庸說畧與上廷鈞所著名同而文異者也

史部

後趙程璣上黨國記

佚

案太平寰宇記數引其文似宋初尙存益以水經注

續漢書郡國志注所引約得十餘條

唐薛瑤聖應圖一卷

佚

張九齡有養詳雜記

陳宏上黨十九瑞圖

佚

唐書藝文志宏永王府長史案唐書列聖應圖於雜史類此圖入藝術類今以其皆爲明皇事故連類記

之

邱據相國涼公錄一卷

佚

唐書藝文志記李抱玉事

李德裕上黨記叛一卷

佚

唐書藝文志記劉從諫事

盧宏正昭義軍剩錄

佚

案盧宏正傳宏正嘗佐劉悟軍會昌中劉稹平又爲邢洛磁三州及河北兩鎮宣慰使則是書或亦記劉

氏三世事也

宋徐叔陽羊頭山記十卷

佚

見宋史藝文志

明栗應麟潞安府志十二卷

古者國各有史以紀年書事茲郡邑亦各有志以存往錄今鑒戒昭而教存焉志也亦史也吾潞志自彭城馬公纂後迄今殆幾百禩梓多殘缺矧青羊寇靖晉州爲府中間創置張設多有應收錄者嘉靖辛酉兵具

於宗叔晉川公曰往者今之鑑今者後之鑑郡志久
缺文獻曷徵敢請先生圖之公曰政首弘綱智急先
務釋此惟簿書期會焉日疲神抑未矣公爲茲舉吾
潞何幸敢弗承遂廣咨博採研精殫思存要剗繁收
遺補缺爲卷凡十有二爲目凡五十有七僅六閱月
藁竣其用心亦勤矣哉無何劉侯二公行兵臬範溪
鄭公太守兩川楊公桃溪王公懷隅祝公二守立洲
喬公通府對槐許公節推見河王公相繼始訖工隆
慶壬申余奉命之留郡便省謂公曰郡志成子知否
曰祿亦有聞幸示教焉遂取示曰斯志也古蹟雖多
襲舊損益則出已裁今事雖經收輯取舍悉從公論
子觀而叙諸首可乎祿持歸倥偬中收行笥比履任
始得披閱竟卷廼作而嘆曰襲舊匪難因舊而考證
確的爲難輯今匪難按今而取舍精當爲難故漢推
良史選在孟堅晉重名儒任光弘度與夫傳立嘆賦
夏誥 書胥其選已茲睹是志雖諸賢曷讓焉故觀
天文志舊矣舛訛改正爲多地理志舊矣沿革視昔
尤備復增歲時志占候勤民尤前所未有而利賴潞
人者更優渥矣及觀建置志則司政教者當恪其官
觀封疆志則刑濬辨者當謹其度兵防志則首重民

兵有思患豫防之憂食貨志則深痛培吏有杼袖其
室之嘆再觀人物志如豫讓忠烈陳龜孝廉劉宣清
介無私尤鄉賢表表生茲者不可不知所法如姚崇
簡肅宋璟忠鯁李抱真沉慮能斷尤名宦表表仕茲
者不可不知所法至於孝義貞烈悉關風化甲第科
貢總係人材而唐虞之化由來遠矣若祠祀志古雜
志微有關地方罔弗收載而藝文志尤綜括古今垂
範金石更於世教有裨焉一展卷間綱揭目陳言真
事核上下數千百年如燭照數計指掌瞭然者吁是
志也良亦甚矣顧藁竣六月何遄速若是良工心苦
誰則知之非兼備之長曷克有此故無論孟陽諸人
而漢晉所謂良史名儒推重青史者其不在茲歟公
於是志今日用心固曰獨勤自是吾潞人覽者舉知
鑒戒而砥礪之窮則終身爲善行達則治人爲善政
爲忠臣爲孝子爲義士節婦氣橫昂舉光耀行漳典
重一方教垂萬世胥是焉賴之故曰志也亦史也其
所關係夫豈其微公功在潞不鉅且遠乎吁公用心
之勤抑可以自慰矣祿不類不敢阿所好乃直書其
事如此云

同府志呂相解州志孔天允汾州府志周宏禴代州志及應麟是志也原書近多散佚而府志并允祿序削去殊爲缺憾今訪得之錄以備考

張主敬長治縣志

佚

案于志序言新野馬君與儒紳李裕州綴輯舊文未竣厥事鉅鹿張君於萬曆戊子續纂成帙云云戊子爲萬曆十六年馬君名化龍李裕州者邑舉人李尙實也於此志實任草創宜并詳之此志之後凡經三修前人皆不註明所出無從別其孰爲原文并序亦不得而見矣

國朝楊駿潞安府志

佚

自序嘗讀國史而知前代之所興與所以亡也輒今人悲歌感慨而不能自己郡志亦然事惟其備義取其實缺焉而不詳則湮沒遺譏矣考焉而無據則塗飾不倫矣將何彰往察來垂爲不朽之典章哉乙未冬余自水曹出守上黨入其疆見山河四塞古形勝之國也觀其俗士敦詩說禮百姓好賈力農嫺女勤紡織而尚廉恥古稱唐氏之遺猶有存焉余既樂其

風俗之淳而吏民亦相與安余之拙也爰是政治之暇讀書懷古而於舊志爲之三復而留連焉稽舊志斷自前朝萬厯壬子迄今閱五十年運遭陽九時值鼎新兵革頻仍災祲迭見建置固多變更政事亦復改革豈無志士仁人豐功懋德光日月而堪垂竹帛者乎孝子節婦苦心烈行泣鬼神而應登史冊者乎而且田地有荒蕪戶口有逃亡糧徭之蠲免物產之凋耗今昔之不相及也遠甚何可無以志之余於是

以修志爲已任謀諸紳士衆議僉同迺懇秀源周先生爲草創繪先李先生爲裁定其枝闕則程鮑兩孝廉其採訪則郡庠馬廣文凡途謠巷議稗官野史斷簡殘編荒碑遺碣罔不蒐羅而又審時度勢揆情察理非確乎可據足以昭勸懲而垂示後昆者無所容其冒濫也亦既明備有體典則可式余復從而考究訂正之裁浮闕謬存信闕疑非敢自行胸臆變亂舊章蓋曰文獻實錄宜嚴毋寬折衷以求歸乎正當庶幾弗蔓弗彙弗譎弗慚而與國史並傳不朽也哉嗚呼後之視今亦猶今之視昔守土者覩斯志知山國與澤國異地也治古與治今異時也理煩與理簡異術也國治於未危預亂以求安異道也取其善以法

之取其弊以釐之修之於身齊之於民使家不異政
國不殊俗回淳古之風而成熙皞之治寧僅紀載之
陳編已耶刊成余不揣狂瞽僭擬俚言用弁簡端
案楊志不著年代據序云自萬曆壬子迄今閱五十
年由斯以推當在順治之末又據姚學瑛序云郡志
修於順治庚子百有餘年庚子爲順治十七年楊志
之成其在是與然此志以前志凡數修均不著明此
外惟列錢受祺序一篇其以前舊志序文不知係楊
志未載抑係姚志所削錢序無所發明楊序亦未著
明纂修體例卷數以其爲舊志所存者僅此故錄之

于公允長治縣志

存

自序善治者不擇民猶善將者不擇旅也民俗之不
能不古而今也志書之不得不踵事而增華也時爲
之也蓋有一方之規制即有一方之風土文章與
國運相爲倚伏賢士大夫應運而興相與敦說耕讀崇
禮讓儉勤之懿毓忠孝節廉之範良司牧又加扶進
而長養之民風遂蒸動而昌口焉如山之有色水之
有浪花之有態月之有光俾採風之使樂爲諮詢而
拜手颺言於

聖天子之庭可謂人以地重地以人靈矣長治創自明之嘉靖十年因青羊寇氛蕩平而後朝議遂改州爲府設縣附郭是時草昧初闢百務未舉縣志末由成輯越五十餘年前今新野馬君欲討論而修飾之時有儒紳李裕州者共之綴輯舊文力董其任適馬君銓陟部曹抱牘鶯遷未竣厥事繼而鉅鹿張君於萬厯戊子歲續纂成帙傳流至今蒞斯土者代不乏人非逐逐於征輸卽鹿鹿於手版莫獲肆志於搜羅參訂之功遂貽缺典迄

國朝定鼎以來先以辛丑秋杪銓授巖邑見此邦土高其山嵯峨以秀起其人磊落而英多維士與女伊其淳樸而篤謹雖數罹兵火元氣浸弱猶有陶唐氏之遺風焉顧以六載苦吏撫殘恤荒閒嘗攬勝標奇力有不逮然蓄念修舉終難寢閣乃披檢舊籍褰裳問俗去張君屬稿而後者八十年於茲其間損益興革不無代遷喟然曰是舉也余雖不敏何敢辭其責哉爰加討校凡疆域而得其險易建置而得其安危秩官而得其理亂風俗而得其正淫人材而得其盛衰戶口而得其消長賦稅而得其盈虧要以法惟其嚴濶取乎確然一地方之規制與夫一方之風土文

章燎若指掌效鷲王之測水乳罔象之探明珠凜凜
乎貪功倖名之是懼未敢擬古人霜雪以礪之春陽
以膏之媿非龍泉之鋒而以試匕又何緣辱此名區
也敬編成帙若干卷條分縷析付諸剞劂用備採擇
以俟後之君子文其闕略而廣其傳余楚人也得毋
謂蒙莊屈宋之後迨乏良史耶是爲序案志成於康
熙六年尚有白允謙張道澁二序

姜愼長治縣志

未見

自序古帝王奄有天物統一區宇必徵千百國之圖
籍而著爲典則以昭同風之盛於是乎有志志者紀
也凡星野之分躔疆域之險易風俗人心之淳澆戶
口版籍之興替上而紀綱文物之大下及鹽筴絲粟
之繁靡不備紀之者紀其事也亦紀其理也紀其事
者足以觀處常處變之謨紀其理者乃以成可大可
久之業也余以楚人授晉上黨令夫上黨固天下之
雄鎮也山川高險人物勁直史志之矣民多儉樸而
力農士尙氣節而務學且職思相戒好樂無荒陶唐
氏之遺風猶有存者余因其地而治之因其民而教
之兢兢乎寡過之未遑又何能更變舊章而蔑視先

典也哉然而時異則事蹟必紛六年之間時和年稔廢者興闕者補凡地方之事綱舉而目張之慨然於邑乘之未盡備也適奉有纂修縣志之檄爲之博考典籍昭示章程諮訪聞人參訂全史俾數千年之人事燎如觀火其大書特書比事屬詞而書志邑也或無關於邑而不書志法也或無關於法而不書其微辭與義所以鑑往古而詔來茲者於以釐正紀綱潤色政治豈僅摘辭炫藻馳騁於風雲月露而已哉雖然志可言也史難言也春秋紀事也而二百四十二年之筆削紀約而志詳尙書紀言也而典謨訓誥之外止費誓秦誓茲志也不特可以與之據實可以與之觀變而異日者準古酌今衡量上下以之補偏拯弊立懦廉頑神太史之所未備實史之也志云乎哉

案志成於康熙十二年尙有衛周祚及邑人呂和鐘萬代尙三序

吳九齡長治縣志二十八卷

存

自序易繫書契代結繩而百官以治萬民以察禮哉太史陳詩以觀民風又命市納價以觀民之好惡後

世志乘之設不遺縣邑其所以一道德同風俗者蓋取諸此是故郡志者縣志之綱也通志者郡邑志之綱也凡皆

聖天子大一統之節目也我

皇上御極以來二十八年中揆文教而奮武衛一本聰明睿智之運量禮明樂備仁漸義摩玉門關外二萬餘里之遙莫不傾心向化盡入版圖區區長治一邑久在櫛風沐雨之內被美利於不言者有順帝則於不知而已九齡邀

聖王之殊恩叨上憲之指示得以備員有司諸惟矢公矢慎期仰副休明之盛治乃查邑志自康熙十二年後久未續修微特遙遙數十年閒制度之所釐定風會之所趨承科目仕宦之有關於文物忠孝節烈之有關於名教者一切難盡憑記憶卽在已登梨棗者其字跡滅沒已十之三四又况舊志之修在明季兵燹之後書籍散軼難稽圖早屬不備者哉此誠非可以因陋就簡者也客歲冬邑人又丞以修志爲請始面陳其事於郡中憲史蒙許取邑志而重輯之夫修文修意固須兼有衆長而傳信傳疑非可獨憑已見因於城內舊志字開館遠延名下士暨邑中

紳耆舊共襄厥事或爲分修或爲參校或採於集錄
或繕寫編訂或監理一切諸務罔不同心協力而
齡凡有見聞及意擬所至必公諸同志一一斟酌損
益焉原其發凡起例大率以通志爲宗然後參以郡
志舊志考諸正史而釐辨之此言乎其舊存者也自
依前有之項而續入因前未有之項而新增者則先
稽之於成案次準之於碑文或得之於訪聞或得之
於舉報者尤必廣爲諮詢以求其實雖風流大雅未
敢妄比於古人而矜慎小心竊恐蒙欺於來者乃以
九十年未經纂輯之典章事實一旦勒爲成書而其
所徵覈編列載舊志規模特爲詳悉庶幾一邑之光
矣乎非是舉也將何以存掌故之源流備輶軒之採
擇發潛德之幽光咏勤苦之弗倦於以黼黻

皇猷輝煌

聖治而見窮簷蔀屋秀頌靈蠢潛孚默化於太和之宇
宙也哉是役也實始於孟春之朔六日脫稿於季夏
之十五日其或有未備者則一以年湮人遠綜覈無
因一以九齡遷次伊邇竊願目擊告成之故留質後
之君子尙其少鑒私衷若夫資斧剗剔之費則出於
九齡與邑人捐修學校之餘謹述顛末以弁諸簡端

云

案志成於乾隆二十八年爲目四十六又子目九一卷圖說繪圖二星野三沿革地表四疆域城池關隘坊都市集五山川古蹟津梁六學校書院義學七賦役鹽法貢篚八風俗物產九封爵十兵制武事十一職官公署十二名宦十三選舉內分辟召薦舉科目明經仕途武科武職封典襲蔭十四人物忠烈孝義文苑隱逸羣材十五列女十六寓賢遷移十七藝術十八仙釋十九壇廟寺觀二十陵墓二十一祥異二十二至二十六并詩文題曰藝文二十七事蹟二十八雜志觀其後序則楚人蔡履豫實任秉筆體例遠出府志下然撫拾頗詳府志每採錄云

存

劉廸序自班固修地理志後世郡邑咸自爲紀載山川人物可按圖而稽亦移風善俗之一端也學者讀山海之書辨方類物覽一統車書之盛苟於故鄉文獻弗克修明猶孫子而昧高曾識者恥之吾友二漳程氏著作甚富長夏過從抵掌談心見所集潞志拾遺若干卷因屬予序夫潞志何以遺也昔人立言務

從簡略仍過爲敬慎故職方有未紀之產周禮爲不備之書歷觀往牒缺略恆多矧時移世降典冊散佚掛漏當何如乎顧珥管之役代有聞人而後來居上此新唐一書超軼前編微歐陽永叔曠能勝任而愉快也二漳氏鑄古鎔今具上下數千年之識爰杜門却軟慘淡經營閱□□而成編予讀之卒業見其仰窺躔度俯按方輿一事必竟其源流一人必究其始末官績所著有文治亦有武功人物所傳詳世族亦詳流寓苟功在民社散秩咸收若行關彝倫閩媛亦錄大則藩封選舉細不遺夫祠墓園亭高者學校藝

文卑亦逮乎方言物產至於雜拈仙釋博採技能罔不悉稽旁蒐條分縷晰遺者補之略者詳之近今者增入之其公慎上同於前人而義類偏多於往軼煌煌全璧無復遺珠之憾斯亦勤矣不特此也篇中所紀忠孝節義居多二漳論次軼事往往低徊反復意緒愴然讚頌之不足又從而歌詠之一篇之中三致意焉讀是書者有不頑廉懦立者乎始嘆名流著述蘊藉宏深非徒侈多聞矜博洽也他日輜軒之使探風得此於以核

帝紘始一統車書之助矣二漳誠有功於風教也哉

程正緒程氏乘餘錄附乘餘續錄

未見

案續錄爲其子之瑤所撰今並佚之瑤又有程氏人物考今亦不傳以皆譜牒之屬附存其目

子部

後魏釋曇鸞服氣要訣一卷

佚

宋藝文志著錄鸞又有安樂集二卷見續高僧傳俱

佚附存其目

唐李師政內德論一卷

佚

唐書藝文志師政上黨人貞觀門下典儀案大唐內典錄載師政空有論一篇當是採之原書者長洲彭紹升輯居士傳取之

宋李遵勗天聖廣證錄三十卷

存

宋僧普濟輯五燈會元廣證錄其一也案此書與上二書并外教在子部中宜列後姑以朝代先之

元李維禪宗金正統論

見潞安詩鈔

明李新芳神易斷意語類要道錄大虞甲子經

佚

王夫人女範八卷

自序吾幼失恃克遵遺言膺孝宗皇帝命誥夫人孀爾考鎮國君孤巖餘二十年爾考禮度爲謹吾恪遵之未嘗敢忘爾考嚴於祭享吾亦戰兢輔事吾朝夕謁懷懿王舅姑木主躬親祭品莫敢不誠爾考禮延師儒吾供品饌莫敢不精吾家世忠義亦未敢不佩服中罹爾考之憂吾欲不生繼姑嚴語以子幼乃止

吾敬承爾考禮教以萱親早逝未嘗歸窆况今矢心之後不敢易服不敢出閩不敢禮賓不敢精食牀寢之具亦以質素雖踰禮制乃吾之性也爾今年長各受郡封曰西華者乃夫人李遺孤也曰孝義曰咸陽乃吾所生也將孀于外吾乃以淺近之語作女範十條以投汝汝各銘心爲終身之訓非敢傳於後也一日婦德二曰婦言三曰婦容四曰婦功五曰修身六曰節儉七曰事舅姑八曰奉祭祀九曰母儀十曰慈幼爲訓義於左爾惟戒哉正德乙亥三月望日書程之珩曰夫人義門端之女贈光祿少卿佐之妹陵

川鎮國將軍詮評繼室也

宋助滄約範八卷

佚

潘定王理堯道德經摘解二卷學鳩篇二卷

佚

案學鳩篇前志引洪武中延安侯唐勝築城一條云見潞志拾遺是乾隆時其書已不存矣

潘裕王鏃鏞寸陰手鏡東壁館書鈔

佚

陵川王宗約

未見

李新芳序古人有言曰同人于野亨同人于宗吝陵川奚宗約也蓋宗也者吾身之所自出而國與天下從而理也不同于宗而能同人于野者未之有也陵川之有宗約其宜也哉夫約奚宜也約以合宗也約以崇德會文敦禮而明教也夫合宗則本一矣崇德則行修矣會文則道明矣敦禮則事敘矣明教則學備矣約之時義大矣哉載稽諸約越惟潘簡王爲我太祖高皇帝第二十一子簡王子康肅王號遐齡老人者陵川之始封也嗣是而懷懿諸王出焉

傑矣今未遑論述而懷懿諸子有號曰孤松者孤巖者孤雲者人皆曰慕古好學樂善循理所謂孝友睦婣任恤者也其子有曰浩庵益庵恕庵者有曰雲崖雲峯雲岫者有曰雲溪雲州暨其諸弟者人皆曰博雅精純親賢友善所謂智仁聖義中和者也其諸麟姓哲髦後先拔起于其本支者愈濟濟也嗟乎一陵川焉爾其人才之盛乃如此今天潢演派殆二百祀而皇宗之封錫徧天下玉牒名位滿巨萬矣吾不知其人才之盛又何如也詩曰思皇多士生此王國王國克生維周之禎我聖朝有之矣猗與休哉昔者舜有臣五人而天下治武王有亂臣十人而天下治乃若陵川之宗者道明而行修事敘而學備準乎古而不固宜于俗而不流其所日新而富有者又皆巍乎其邃浩乎其豐淵乎其泓蓋有與聖賢爲徒與造化同游而獨得于世俗膚膜之外者孰得而淺深廣狹之耶使皆布列中外而有爲于時必能各以修于身約于宗者施之國達之天下有餘裕焉其宣力克勤忠盡王室功業所就當十倍於世儒彼周召畢榮諸公劉向汝愚諸君子恐不得專美於古也惟衡鑑者與之接而上下其議論然後知其武庫之甲兵經綸

之禮樂也約何足以盡之然而廟略鴻謀具在也此則我聖祖在天之神秘其機也夫誰能與若曰宗約者字藝文墨已矣謳唵咭嘒已矣淺乎其知陵川沁水王允棖家範三卷

佚

朱勛淦建置草

佚

朱焜焜訓約三卷

佚

宋理圻杞見錄藥石瑣言又名藩賦頌

佚

朱鏃鏃杞見續錄醫社庸談

佚

栗允祿正俗冗談

佚

王廷相慎言十三卷

存

四庫全書提要存目是編前有嘉靖丁亥自序稱仰觀俯察驗幽核明有會於心即記於冊二十餘年言積數萬類分十三篇附諸集以藏於家又論諸儒之失

有曰擬議過貪則援取必廣性靈弗神則詮擇失精
由是旁涉九流注及緯術卒使牽合附會之妄以迷
乎聖人中庸之軌云云持論大抵不詭於正然以擬
議過貪詆諸儒故罕考羣言以性靈弗神詆諸儒故
多憑臆見甚至併五行分屬四時亦以爲必無之理
則愈辨而愈口矣

王廷相雅述二卷

存

四庫全書提要存目此書自序謂宋儒才情有限沾帶
泥其使人不得清澄宣朗以睹孔門之景余於讀書
暇時置一論求合道真積久成卷分爲上下二篇名
曰雅述謂述其中正經常足以治世者云爾今觀其
書標舉中庸修道之謂教爲本而多斥枯禪寂坐之
非未爲無見而過於擺落前人轉成臆斷

沈國華閒語附閒語樂府

佚

程正家家乘委蛇錄

見潞安詩鈔

任環平倭錄

見詩鈔

國朝周再勳評苑度針十二卷莫如譜十六卷擇言二卷蝶史一卷

案舊志嘗引其荒紀一條蓋明末事餘書如評苑莫如譜均不詳其名義

程之珪醫海勺波八卷金剛經簡明集解二卷

未見

王廷鈞養正編史記評林杜詩解

見詩鈔

王家幹計偕行記

未見

崔鈞嶺外記聞一卷

存

羅永祺齊家要言一卷

存

自序略云昔張公藝九世同居約言之則曰忍豈漫無所據而徒以姑息爲哉知其中有道焉非身歷而目覩不悟也余家共食息者數十輩生齒漸繁或形嘻嗚心竊憂之今夏吟餘偶暇頗有會心爰體古人精意勉成家訓十則約之得千餘言顏曰齊家要言云云

王奎昭思誠錄

存

賈宗彥西河家訓

存

李維城日知錄二卷摘鈔二卷

存

牛躍麟所見筆存六卷

存

讀史備忘十卷

存

林酌中二卷

書前有王奎昨序略云羅君維嶽幼喜誦讀每一書必力求其解否則不遑寢食晚年慕岐黃術博究原委而醫林改錯一書尤所篤嗜與余頗有同志往來談輒竟夕偶見案頭置醫林酌中本閱之知於改錯取其理而矯其偏者也夫改錯一書偏主溫補用之不善反爲所誤誠貴乎變通而裁酌之深幸羅君之取精用宏其篤志有以成之云云

集部

宋李遵勗閒宴集二十卷

佚

國老談苑云遵勗宗楊億爲文於第中築室塑像晨夕申函丈之禮刻石以記

金王良臣詩

元好問中州集存詩十首

劉祁歸潛志王翰林長於律詩尖新工對其上移刺總管云筆底有神扶氣力人間無處著聲名又絕句云流轉年光橋下水翻騰時態嶺頭雲溪翁道晧奇聳子除却松風百不聞人多傳誦

董文甫詩

中州集存詩八首

劉祁歸潛志興定初余先子

祁父雲卿各益

居喪淮陽公乘

傳至談道竟夕余時爲童子竊聽窗下蓋其於六經論孟諸書凡一章一句皆深思而有得不徒誦說而已既去先子大稱之後於郝丈國材處得所著書一篇皆論道之文今藏余家

張溫詩

中州集存感懷詩一首又附載其祖仲容一首

元李孟秋谷文集

佚

許有壬序相國李韓公秋谷先生薨之二十七年子
獻由參議中書省事拜治書侍御史進侍御史有壬
實中丞一日出先生文集俾序其端昔蘇子瞻恨不
及一見范文正公與其季子德儒同官於徐序文正
遺藁以挂名文字中自托門下士之末爲幸而有王
之擢第也先生實座主接餘光親誨益不少視子瞻
之於范文正則有壬之幸多矣序其敢辭先生以雄
邃之學爲帝者師功勳在帝室聲名滿天下自九重
以至于里巷皆以字稱才氣跌宕落筆縱橫歌詩流
播荒陬下邑傳郵逆旅往往大書于壁然世歌詩而
不知其文若知其文而墓碑未出不知其功勳之大
之詳也國初因仍吏治日就媮窳士氣奄奄僅屬先
生在潛邸日久啟沃謂儒可與守成一旦當國卽行
貢舉蓋倡于草昧條于至元議于大德沮尼百端而
始成于延祐亦憂憂乎其難哉三十年來得人之列
於庶位者可枚指也士風之隆替治化之樞紐在焉
大德之末于國勢危疑神器杌隲之會猶操舟滄瀕
三峽遇排山倒海之風而能力贊秘策卒底平濟非
社稷之臣乎若夫名爵掃地而削其尤錫予空帑而
復其舊大官待不鉤檢而覈其濫宿衛依憑城社而

汰其冗貴近世臣莫敢議及乃挺身任之灼知將來之危不恤也國家用儒者爲政至元而後炳炳有立者先生一人而已有壬因褻其概使讀是集者知其有德有言且以見功勳之出有原概也皇上追念勲德贈舊學同德翊載輔治功臣太保儀同三司上柱國追封魏國公諡文忠獻字伯徵世濟其美詎可量哉

李維馨知非齋存稿一卷附贈言一卷

存

牛俊序嘗讀周詩而嘆尹吉甫興六月之師奏膚公

匡王國蓋將帥才也及送申伯仲山甫以孔碩之詩肆好之風賦崧高烝民之篇則又嫻於風雅矣彼同時若張仲樊侯則不武而方叔南仲則無文才全德備若是乎難之故詩人贊之曰文武吉甫萬邦爲憲不信然乎予幼時聞鄉先生談上郇文獻盛推庭芳李公今讀知非齋存稿及公傳始知公之才德蓋吉甫流亞也公弱冠究性命之原講治平之術南走武昌龍興兩浙間大有所得猶不自足北走燕京游王文肅公之門所得益遂彬彬乎其有章也哉使遭逢盛世以

之鳴鳳也哉奈時當末造盜賊蜂起出入行間於丞相脫脫陳討賊安民七策於丞相賀公上十三事於丞相擴廓陳足食足兵之略而密謀秘計克敵致勝効於忠武王者爲尤多卒之平淮降田豐下冀益說良弼皆公之籌畫也及時不可爲急流勇退結廬萬松亭之間撫杖游優已而已而殊覺今是而昨非迄今讀家居四詠儼然天地一閒人矣明太祖定鼎金陵欲制禮作樂而難其人公應聘而起同事者皆服官任職公獨固辭雲山終高尚之志綜其始終而論之提戈効命公之勇也拂袖歸來公之智也應聘興

朝公之達也辭職還初公之高也嗟乎公儒生也而以兵戎寄之公兵職也而以禮樂任之才德兼優肆應不窮如踞五都之市百物璀璨惟其所雪而無不撫視吉甫何讓焉凡此皆公之經綸也實公之文章也至於弄月唵風尋章摘句特其緒餘耳雖曰緒餘而其中有物皆有關於天下國家之大卽正統一論已足扶文人學士之舌矣名之曰知非齋存稿存者正此而其不存者殆不知其幾何也其他無論卽傳中所言七策十三事與足食足兵之略皆所不載後人之得是集而讀之因其言而思其蘊且並將公生

平之經濟納於是集之中較之連篇累牘者且不勝其富且大矣是在有心者耳公之裔孫受天步先二社兄重刊以問世爾命序于俊俊姿質謏劣何敢序公之文但以嚮往已久得挂姓名於簡末是亦爲幸也因不辭而爲之序云

又序贈言云辭職贈言一册元大司馬庭芳李公應明太祖之聘攷定禮樂事竣還山而名公鉅卿賦詩以榮其行者也昔楊司業巨源白丞相而歸丞相歌詩以勸之京師之長於詩者皆屬而和之韓文公爲之序以爲可仿於二疏庭芳公之歸也一時京師之

公卿皆賦詩以贈吾以爲可仿於巨源嗚呼可謂榮矣夫公元之遺老也當易代革命之際實剝復相禪之時公爲碩果之不食君子得興當非異人任也而公之出處則非尋常可測者富公之歸隱也入山惟恐不深入林惟恐不密蓋無復當世之望矣徵書下逮吾意公必峻拒之萬不獲已南山之南北山之北何在不可以栖遲而公顧翻然而出者何也旣出矣禮明而樂備矣一代之制作旣端萬民之耳目聿新武功不遂於勝國文治大著於新朝卽居其位而任其事失之東隅收之桑榆亦無不可者而公則飄然

歸矣嗚呼此其心何心哉公之同時有陳中行先生者亦元之遺老也應聘而叅幃幄其謀甚密外人不獲與聞太祖卒賴其力以有成賜官凡七次皆不受此其心與公之心同乎否耶南昌彭士望評之曰生良前者范蠡生良後者陳遇遇之爲人更出良上此言出而中行之論定矣公之論亦定矣獨是中行之歸太祖握手送之及其卒也葬以東園秘器公不獲此殊榮公之歸也公卿贈言盈篋而中行亦不得此芳譽此正如巨源之與二疏不必其盡同也今讀其詩若文情致縹緲意味深長不勝夫高山之仰秋水之慕是皆公之人品德望有以深入乎人心雖欲無言而不能也不然瓊臺金華海門雪鶴諸君子豈輕爲許可者哉此公之榮也而不獨公之榮也公之後裔蓋世世有榮施焉尙其實之勿令其再失焉可也

明栗鉉後樂堂稿

佚

王廷相王氏家藏集六十八卷

一曰後川集

存

四庫全書提要存目廷相詩文名列七子之中軌轍相循亦不出此

循亦不出此

王廷相內臺集七卷

存

四庫全書提要存目是編刻於嘉靖丙申凡詩二卷詞一卷雜著一卷奏疏一卷雜文二卷又在家藏集之後者也時廷相爲都御史故以內臺爲名云

朱彛尊靜志居詩話浚川數歷之暇銳意詩文非徒扶大雅之輪抑且挾羣經之奧而又見善如不及其序空同子詩稱其掩蔽前賢命令今世秦漢以來寡見其儔然空同名成之後目空四海觀送昌穀之湖湘詩述一代人文之盛有云是時少年誰最文太常

邊丞何舍人三子而外并不及浚川隻字也鄭繼之未嘗謀面乃有句云海內談詩王子衡春風坐徧魯諸生浚川見之有知己之感於繼之身後賦少谷子歌焚其稿於燕望閭再拜歌云彼時才傑遊帝旁信陽之何棠陵方大梁翩翩李川甫吏部薛生尤擅場於空同亦未齒及不無憾焉矣他日作遣興十首其一云苦吟吳下徐昌穀幻出斯文百代先其二云逸氣誰當鄭善夫其三云康子文章迥絕塵其五云天復天才冠兩都其六云後來誰擅六朝奇君采分明別綴詞其七云

越朱紘大雅沈始知清廟有遺音峽江查阨湍瀾出
可是空同太劇心殆有微辭焉信乎恩怨之難忘也
浚川詩格諸體稍狃五言絕句頗有摩詰風味亦
不失爲裴十秀才崔五員外

王世貞卮言王子衡詩如外國人投唐武將坐禪威
儀解悟中不免露抗浪本色

王士禎居易錄儀封王世治以所刻吳江計甫草讀
余論詩絕句記來徵士大夫詩歌紀事以計此記爲
余詩作也因先呈余世治跋云不肖生也晚距先肅
敏公六世時已百餘年守家藏集恆虞失墜有莫爲

之後之懼康熙王戎七月太邱王瑗郵致甫草計先
生讀阮亭詩記一篇世治讀之不禁涕洟深歎知己
之難而相遇之奇也世治半世俯首老諸生不能與
當代賢士大夫絜長比藝焜耀先澤而甫草乃從阮
亭王公少谷山人之句而致感動痛哭之辭至願爲
先肅敏死斯亦奇矣嗟乎是少谷阮亭兩公之知先
肅敏而總藉傳於計先生之一痛也海內文人其誰
不願爲計先生死者哉余康熙癸卯在揚州一日雨
行如泉道上得論詩絕句四十首蓋做元裕之作其
一云三代而還幾許名文人從古善相輕君看少谷

山人死獨有平生王子衡甫草於都門見此詩因作
記今載甫草集

平紀默菴集

佚

仇森玉松稿雄山集

佚

仇森貞烈唱和詩集

王雲鳳序我國家百四十五年矣治亂波洽民物繁
富海宇熙熙干戈不用然文驕武惰上慢下瀆罔念
人窮惟事貪黷閭閻之下怨咨相聞於是梟豸之徒

呼羣嘯朋竊弄弓矢自知釜魚延喘糜爛必至大肆
淫兇以快目前所過之地公私一空而尤以擄掠婦
女爲急庸將怯卒逐途避之凡再逾年厥勢益熾正
德六年五月六日自青兗彰德西上太行至潞州之
西火鎮居民走匿山林賊散兵搜索驅婦女數百人
有趙氏女賊擁致上馬女曰我良家子死則死誓不
受辱則投地如是者三賊見其美不肯殺脅之刃女
舉止自若罵賊求死賊怒矢落其一目罵愈厲斷其
左臂而死程氏者焦相妻賊牽之曰從我則生否則
死曰吾有夫寧就死不汝從也遂仆地不起賊極

長治縣志 卷之四
之程仰面臂著地曳半里許膚肉綻裂血流滿道罵賊不從賊殺之袁氏女年十六歲與程同爲賊獲見程氏死亦不肯行賊好言慰誘之而不從被殺平氏者王川妻賊迫之行見路傍一井謂同行婦女曰吾志得以遂矣抱幼女投井而死嗟乎近世士大夫習於阿諛軟熟以詭隨污合爲通才一遇秉正守介之士指爲怪異不祥之物靡焉成風莫或自振虧閑爽操廉耻衰微豈意窮鄉下邑閨閣弱質乃有知節義爲美而挺然各行其志不與衆同若四女者哉是時賊中從來婦女不啻四五百人皆金珠錯落羅綺

煌揚鞭笑語略無覷顏所驅數百人者亦俛首莫敢出一語四女者非有姆傳教訓之素世家薰染之風一旦事起倉卒獨能却足於羣趨共赴之時塞耳於飴言甘語之誘閉目於腥刀血鏑之威必求一死之爲安非其天質高潔確有定守安能偶爾而爲之哉賊自西火南抵趙城北旋至遼州歷州縣十餘自五月初六日至六月四日出境未及一月四女而外不從賊而死者尙有二十八人自賊起山東已二年往來四千里之地全節婦女耳中寥寥何三晉婦女之多賢也西火百家之鄉乃有四女之死何潞州婦女

之多賢也初賊既去州人致仕宿州吏目仇時濟書其事以授其弟瀋瀋儀賓時茂商於儀賓牛廷瑞宿以德栗廷佩郝宗魯白於部使者而疏聞焉吾觀今感晚之家惟以撞鐘伐鼓沉酣歌舞爲務而時茂五君者乃留意於扶名教勵風俗之事其志最高遠矣時濟去官家居實倡首焉潞之士風如此則其多賢婦女豈無自哉旌命既下五君作詩詠其事聞者和之積爲巨帙將刻以傳而徵序於予嗟乎四女之死有關於綱常之大五君之舉實爲國家風化之助故爲書之以待他日史氏之採錄時茂名森廷瑞名鱣

以德名政廷佩名璐宗魯名賢時濟名楫

栗應麟去陳集家藏集碧虛漫興

一名晉川詩集

程之昭潞安詩鈔存六首并注云晉川詩集大梁高叔嗣爲之序內稱翰林唐荆川許栗氏兄弟詩可傳

世云

栗應宏山居集八卷

一作六卷

存

四庫全書提要存目應宏耕讀太行山中祥符高叔嗣謝病歸往與訂交叔嗣作紫團山人歌贈之云紫團高山槩青雲殊不羣陳州一驅出五馬

第二十窺三墳陳州者道甫之兄仁甫也道甫是集亦叔嗣爲之序集中五言近體頗有隱秀之致餘體則自鄧無譏千頃堂書目載是集作六卷疑字之誤又載有太行集十六卷今未見傳本潞安詩鈔存三十六首

栗允祿學易集

潞安詩鈔作永祿存詩二十一首

任環山海漫談三卷附錄二卷

存

四庫全書簡明目錄凡文二卷詩詞一卷其附錄則傳

誌類也環以禦倭著績吟咏非所擅長至於古文如蘇門雙節記諸篇雖不免參以俗體然送蕭西泉序諸篇則筆力嶄嶄且高簡有法蓋絕異之姿而未暇專治是事者也

靜志居詩話倭人入犯任公大小數十戰功最多歸熙甫詩云江南列郡盡乘城藏穴何人肯出兵惟有使君躬環甲劉家港口看潮生公軀瘦瘠倭人目曰瘦官人望而避之詩特其寄興然亦明淨

趙秉中頤貞先生集

佚

長治縣志 卷之四
潞安詩鈔存四首

程應登棲霞集四卷

存

劉迪序去秋辭藤署望故里雲山遠在天末踉蹌客
潞得交程君近徽逆旅廓落有素心人相與晨夕析
疑賞奇風雨晦明弗間也近徽以國子典胄需次家
食已而辭就外任擁臯比於晉陽瀕行持先世存齊
先生栖霞集屬于序先生著作甚富子別駕公孫大
司馬公輯五七言律詩三卷授梓經亂藏板散遺近
徵魯朋補刊數葉先以此行世餘當續出其詩原本

性情取材經史三百之風猶有存者予嘗服近徽詩
文風流蘊藉今始知淵源之有自矣夫古詩亡而騷
賦起由兩漢以逮六朝體裁各別論者謂六義之指
必以發乎情止乎禮義者爲正故上下千百年獨無
憾於晉之淵明良以其性情真摯猶有古詩之遺意
也明當嘉隆全盛時作者雲興如濟南瑯琊諸君子
樹幟中原力追盛唐氣格極一時詞壇勝事無如抵
掌優孟者興會所及去情漸遠甚至履亨順而有餘
悲當盛年而傷搖落是何異於無病而呻吟不憂而
顛蹙乎先生博學精思爲理學正宗微言大義遠紹

河汾數上春官宦情終淡故仕僅三年而即引退日
與名流達士登臨選勝倡酬於五龍栢谷間大要情
發爲辭辭衷乎理故性靈洞見典則高華至晚節詩
律尤細而王李始出人多艷稱王李不知先生論詩
尙居其前已自成一家言不規規盛中晚之形似也
雖未窺全豹集中所載澹遠安閑之致如新脫稿陶之
採菊東籬下悠然見南山其風味如或見之然則觀
先生之詩固已躋元亮之堂而造其室蓋僅與時賢
絜聲律高下哉近徽行矣從此倡道宗風光昭令緒
當與龍門涑水匹休大雅元音尙其不墜乎

潘惠王勛習凝齋集

佚

案潞安詩鈔作安王銓鈔存詩七首

朱勛瀾明德齋稿

佚

潘憲王允彬保和齋稿五卷清秋唱和集

詩鈔存二十一首

靜志居詩話憲王以好學聞嘗上書乞內府諸書永
陵以五經四書賜焉枕上詩云展轉殊無寐深秋感
二毛城鴉催曉色庭樹起寒鴉往事意何拙浮生心

自勞河間今已矣寧不愧吾曹蓋以自勉云

德平王允挺集書樓稿

佚

詩鈔存二首

朱允牀敏軒集二十卷

佚

詩鈔存三首

朱允梢遜軒詩集十七卷後集八卷文集五卷

佚

詩鈔存八首

朱允杪重瞳老人詩集十二卷

佚

詩鈔存一首

潘宣王炳燧絲筠軒稿四卷

存

靜志居詩話宣王逸才清思金枝之秀是集爲禮部

尚書裴宇序詩鈔存三首

安慶王炳燧嘉慶集

佚

朱炳燧振菴詩集

存

靜志居詩話振菴五言入格如雲迎芝蓋轉花傍藥
欄開寒葉飛官路霜風滿驛樓香雲飛貝葉法雨下
天花不失爲初唐人語

朱焯約菴詩集

佚

朱焯焯裕菴集

佚

瀋定王瑤堯修業堂稿一卷崇玉山房稿

存

靜志居詩話定王卽呂時臣猶沈易之卽謝榛也

詩鈔存八首

沁水王瑀堦滄海披沙集十三卷

存

四庫全書提要存目瑀堦瀋簡王七世孫封沁水王諡
康僖所著有衡漳初藁栖雲洞雲集雲竇寤言葵園
紀言公族論等書嘗刻於遜學書院繼合爲一編於
吳中重刊之題名曰滄海披沙集穆文熙詩話謂王
詩丰神俊逸思致雅淡格調在大厯以前今觀集中
若夏日東園詩借宿閑多味求名靜覺非春初過涵

長治縣志 卷之四
春閣詩酒嫌蘆筍少春恨李花多等句其格調頗近
四靈至於文體聾牙不出王李流派

保定王珵坦清苑山房集

佚

詩鈔存二首

朱珵塢宗會詩稿

佚

朱珵圻怡真亭稿

佚

詩鈔存十九首

朱效鏞元覽齋集匪莪集盤秀山房稿

佚

詩鈔存八首案藩府諸王多工吟咏陵川沁水二宗
著作尤富而全集皆散佚其見於明詩綜及潞安詩
鈔者僅十之一二彙錄集名以俟搜訪

李尚實蕭然亭稿

佚

詩鈔存五十首

李新芳漳堃文集八卷

存

長治縣志 卷之四
四庫全書提要存目是集爲其門人楊世卿所編前六卷爲雜文後二卷爲詩賦以行狀墓誌附於後其文講學之作多至三卷而他文宗旨亦不離乎是詩亦濂洛風雅之派也詩鈔存十五首

周一梧貽清集

佚

詩鈔存二十二首

程尙勤天光樓稿

佚

案尙勤嘗輯山右詩有晉詩選若干卷并佚詩鈔存

十八首

高環漫國詩稿一卷

詩鈔存二首

李一翁石如主人詩

佚

詩鈔存十六首

程正己湛園集十卷

存

四庫全書提要存目是集爲其子之璿所編凡詩五卷文五卷大抵推取自適無意求工

林欲楫序萬厯丁未余得雋南宮實出崑山集虛李
夫子之門同門兄弟如左滄嶼之正氣觸璫余集生
之耿介絕俗程澂源之端方砥柱均余所推服然滄
嶼如李元禮雖凜持風裁未脫門戶集生負勁骨然
初年豪放晚乃佞佛獨澂源公秉心端亮和不植黨
貞不絕物余每歎爲不可及澂源甫登第卽以母艱
歸嗣繇大行擢銓司郎空鑑若水定力若山余在詞
林雅愛公清執未嘗通一私牘公亦以是重余旣開
府保定先機避權璫以病去余亦後公乞南未幾璫
脩郟余兩推見格然未有中而公橫羅削奪處之恬
如崇禎戊辰公起少司馬余亦以掌詹蒙召己巳入
都與公相見甚驩會內閣密謀於遼督議誅毛文龍
成愆於私以告余余力言其不可與眾議不合請假
歸里甲戌復以纂脩召入都而公已捐館矣屈指同
朝二十餘年旅進旅退聚首之日少未嘗得讀公文
集僅見公壽唐元樸大翁及曾通雲大翁二詩似典
雅有法然嘗鼎一臠耳同門推善酒首郭復菴次及
公至手譚則公雅不喜余每與余集生郭復菴對奕
公時或在旁強之奕則曰不解乃近見其集中四好
詩亦若爲余撰者余年齒長公四歲公逝己二

十餘年而余猶偷視息於世俯仰滄桑不勝感歎今
聖主當陽軫念海邦爰遴公忠之帥俾長外臺而公
子仲玉公祖來總閩憲因從來使得讀公湛園集諸
詩或賦景寄懷或感時憂國清新則冰壺比潔激烈
則巖霜爭飛思深致婉瀾瀾乎風雅之遺焉至於贈
答誌銘諸作於吏治民瘼家乘國典質言不俚頌言
不溢仁人之言藹如又非如世人結客諛墓之文徒
粉飾於藻績已也余獨憶公在銓曹啟事之牘比於
山公建節郎山輕裘之暇亦多激揚其大者觸迕權
璫百折不撓迨賜環佐樞從艱危中力扶社稷竟以
勞瘁成疾文章氣節勲業具三不朽茲集特其緒餘
然亦足以觀公矣總憲公手輯而梓之蓋披讀而于
澤存想像而精神存愾然優然有聞聲見容之慕余
年逾八十耄矣雖思公不見覩遺編如見公焉又何
啻黃公墟頭之感虎賁典刑之思也爰爲之序

李策睡菴詩集

見路安詩鈔李璋小傳

國朝周再勳娛齋詩集十四卷

常煜潞安詩續鈔存十三首

程正緒遠塘詩集文集

續鈔存詩七首

閻必卓秋谷文集三卷詩集三卷

續鈔存詩二首

程之珞舌耕堂古文集十二卷詩集五十卷詞三卷

續鈔存詩六十二首

程之珞潞安詩選四卷

自序士君子之處世也有欲爲之事有不欲爲之事
乃其欲爲者往往不得爲不欲爲者又落落不屑爲
夫欲爲者不得爲不欲爲者又不屑爲則此身不幾
安然無事高枕大嚼而已乎然處不得爲之勢而又

欲求一得爲操不屑爲之心而又欲覓一屑爲然後
此心此手此眼此耳有所安放不至如空中之絮風
中之旌搖搖然而無所薄此又士君子素貧賤行乎
貧賤之義也珞庸才薄福所往齟齬又復貧寒徹骨
無可自娛此真有所不得爲之時也乃其心其手其
耳其目百工技藝皆落落不屑爲獨於筆墨有緣屢
屢欲廢又屢屢不忍廢而其所云有緣者又輒凝聚
於詩雖毫不知詩而實酷愛詩自垂髫向學卽習毛
鄭家言弱冠以後見吾鄉爾雅君子談古人詩固喜
談近人詩尤喜談天下詩固喜談吾鄉詩尤喜

好今不好古好近不好遠也良以古人詩古人已存之今人詩必賴今人始存也天下詩天下共存之鄉人詩必賴鄉人始存也以故聞吾鄉之某人某詩存於某人也不勝欣欣然聞吾鄉之某人某詩亡於某人也不禁戚戚然啟禎以前世家大族藏詩頗夥自闖變而潞之詩一大厄迄姜變而潞之詩又大厄今日所存大都千百什一爾倘過此而不爲編輯安知不日益散失後人之戚戚不若我之戚戚乎況以蹭蹬之身求一安放心手眼耳之物是以不揣謏陋有潞安明詩之選也雖精微奧妙非可管窺然於三百年間上自王公下逮章布旁及釋道冥及仙鬼平如砥者錄卽險如濤者亦錄也清如水者錄卽艷如花者亦錄也巍巍然如垂紳縉笏者錄卽飄飄然如憑虛御風者亦錄也不惟鍾譚王李無容左袒卽漢魏李唐亦無容膠柱第求其和平溫厚俊逸清新近於三百之旨者選集成書以待先生大人之刪削非特於不得爲者求一得爲已也三百年之治亂興衰臧否得失諷讀之下咸可助其觀人論世之明則潞之詩卽謂潞之史亦可况先正之文章著後人之興感昭父兄之懿德傳朋友之搜羅合一舉而數善備僭

與妄寧謝乎哉

案是編選於康熙丙午至道光己亥爲邑人常煜刊成之煜又選本朝郡人諸作續爲後編與此合爲一集云

周培誥寓情集

續鈔存詩四首

栗瑞詩文風華稿

續鈔存詩一首

李中白書紳集

存

趙良琬容傲樓詩稿

續鈔存詩一首山右詩存選一首

李璋奉宜詩集蕉窗漫興集

續鈔存詩十八首

張皇翰調鶴軒集

續鈔存詩二十四首山右詩存選五首

杜廷采蓉園詩集四卷五龍山雜咏一卷

續鈔存詩四十一首

張汝弼潛園詩稿

續鈔存詩一首

趙照乘可園遺草

續鈔存詩二首

杜若苞小山遺稿

續鈔存詩八首

李光烈鳳溪詩稿

續鈔存詩六首

廉可旌耕寸堂草南遊草二卷

存

續鈔存詩三十四首

毛序詩有三變十八體二十四名漢魏樂府最近古

兩晉六朝變態已極至初盛晚唐說出門戶既分體格畢具經生一本考據理學多所箴規才人富麗隱士清新雖各有長無不適如其人之品行學問明經闡逋先生長治望族少具才名長通經史文詞莊雅尤善古風書兼行草篆隸大小楷潞稱絕筆甲申舉歲貢劉蕢不遇乃度大行踰大河遨遊吳越縱覽名山水道返鄉魯瞻闕里之堂於是學益博品益高著南遊草述其志墨跡幾半天下山右詩存刊菴先嚴詩草得入選擇讀全帙得耕寸堂詩意見行山云若非巒嶺渾無地餘都星辰只有天自嘆詩云題目每

於詩後訂體裁多是夢回詮愛其沉雄高曠心慕爲人久恨不得全集快覽焉丙戌先生季梓籥雲師以明經司訓吾邑因索本稿得若干卷體無不備始見黃初巨滙偏關孝廉石介甫師任邑司諭事會友以詩觀得附驥同人得耕寸堂詩無不慕其人重其稿因傳寫之艱思付梓以公同好噫人以品貴品以詩傳詩言志性情出焉如先生外和內介事親孝處已恭不苟取不妄交學問淵深考核確鑿雖以漢經生宋理學六朝三唐才士不是過不讀全集安知先生志氣沉雄襟懷高曠迥出尋常有如此哉梓成因述始末以爲序

此本爲道光戊子可旌季梓籥雲所刻此外尙有文集若干卷及啟蒙十鑑數目十咏心亭十三友叙諸不刻并存

張天籥花舫詩草

存

序畧曰花舫余神交友也昔杜甫推郭振只寶劍一篇欣爲高咏今張君珠玉美不勝收洵水雖遙心源自合例以江南誰曰不可云云

原本尙存未梓而序文不著撰人姓氏俟

訪

山右詩存選十五首續鈔存七十五首按李選稱其
工於造句五言如日爲栽花記書因種樹抄水遠橫
橋斷村荒細路通七言如耽吟自笑詩成癖怯飲人
嫌酒不豪不爲看山慵出戶偶因邀月始開簾花吐
冷香齊入酒崖藏秋氣獨歸松雨砌分移刪後竹雲
階廣種乞來花皆新穎可誦

羅從甘集萍草

案從甘以布衣而工吟咏張天寵爲之序稱其天才
秀發不假雕飾正如白太傅之老嫗皆解陸放翁之
粉飾不事也續鈔存其詩十六首

萬國寧遠亭詩稿集萍草西湖遊草也是園漫吟四十
卷續鈔存詩一百五十四首

靳第選日纂集十六卷順事集二卷耐軒詩草文集
續鈔存詩二十五首

牛兆麟綠蔭軒詩文稿瓊事集

續鈔存詩二十七首

和興儒曉堂詩稿

續鈔存詩五首

王家幹竹香詩草

續鈔存詩七十四首

盧映斗漱芳軒伴愁集詩草二卷

賈文蔚序余讀吳梅村集見有永愁集序閱其文蓋

龔孝女爲其父佩潛死難而作也竊嘆閨秀之中經

饒佳製不過言情繪景以抒一己之抑鬱耳求其有

關風化裨益綱常者往往而鮮卓哉斯女真巾幗之

丈夫乎雖然女子善懷猶足以傳其父男兒有志竟

無以顯其親則可愧孰甚耶乃亡友盧劍光傷其母

之不獲祿養則有伴愁集之作焉噫何其所遇不同

而怨慕之思如出一轍與劍光夙負異才鼓篋後

食餼庚午登賢書平居博極羣書於天文地理醫卜

推算之術無不通曉方期用世得以揚名而顯親也

以風木情深遂屏跡中陽山凡山雲之出沒山鳥之

嚶鳴與夫山花似繡山水如藍偶有所觸形諸筆墨

積久遂同束筍夫黃金擲牝昔人所傷劍光生逢坎

填溘然抱恨而終吉光片羽復使彫零則遺蹟之不

存卽孝思之有匱不反出龔氏女子下耶搜其詩稿

僅得數十篇是已經麗垣趙君所選定者於是商諸

同志付之剞劂至於詩之工拙余固譴陋不能知也

以俟明者自擇焉

續鈔存詩二十七首

張誌槐陰詩草

續鈔存詩二首

常瑞芸窗吟草

續鈔存詩六首

郭汝良玉溪遺稿

續鈔存詩九首

常煜寡過未能齋文集二卷詩三卷

存

寡過未能齋古文詩晴川常君之遺稿也記道光壬午余出守平樂晴川來權平樂縣事旬夕相見

皆地方利害民情疾苦以及某事之當舉某案之當辦相與講求者一年有餘而未嘗一及於誇舌文也厥後余假歸省侍而晴川亦貿然高隱矣閱十八年得其長君聯元書求爲誌銘方知晴川已作古人爲述所施於粵西銘之閱二年聯元來從吾游出晴川遺稿請序余讀其文與詩想見其人若猶昭潭之言論丰采也回憶二十餘年以前吾年方逾強仕而晴川亦一往無前慷慨任事互相期許何其壯歟今吾老矣而晴川之音容已邈不可追徒賴有此詩文以與雲霞共其輝煌於天地之間是亦可

然而後之知晴川者或卽以此乎寄之則詩文亦正不可不傳也是爲序

唐鑑序

常煜潞安詩鈔續編十二卷

存

自序潞安詩鈔後編者別乎前編而言也前編因二漳選本錄止前代後編則自

國初至今之所作也編分兩集所以別時代志風尚考人物之盛衰辨趨向之同異也潞居太行山之脊其土厚其俗勤其人質直而尚義詩人之作大抵席唐魏遺風猶有蟋蟀山樞餘韻焉顧吾觀前代作者名公

鉅卿簪纓繼美挖雅揚風源流有自又且瀰瀰諸王公雅尚風騷相與唱酬賡和一時交遊之廣聲氣之投若有極盛之下難爲繼者於此而議搜輯誠不能無難色乃自徵詩啟出入城詩草陸續郵寄琳琅珠玉美不勝收凡採錄所及則又若有駕前代而上之者於以見我

朝文運之昌二百年來涵濡

聖教操觚之士類能本其性情發爲詩歌則固非時與地之所能限也編中所鈔遠則如劉紫巖王子衡栗道甫程湛園諸公鼓吹於前近則如賈月塢程二漳馮

東山新綠溪諸公嗣響於後或以古雅勝或以恬淡勝或以宏博勝或以秀麗勝其他或出奇麗於艱難或發纖濃於簡古凡稍近風雅者一二篇錄十餘篇亦錄用以備一方之掌故而要之大旨所存總期不肯乎詩序所云發乎情止乎禮義而已抑又聞之紀文達公曰人品高則詩格高心術正則詩律正故讀其詩而其人之性情可知卽其人之學問心術亦俱可知至於一代之運會一方之風尚又烏不可知哉此潞安詩鈔之不容已於後編也雖然莫爲之前雖美不彰莫爲之後雖盛弗傳余之繼二漳而有是與

也亦望後之君子與我同志嗣而編之庶幾表揚先哲歌咏太平後之視今亦猶今之視昔云爾

案此編與之昭所選合爲一集詳見前潞安詩鈔序後

常聯元卧松山房轉丸集三卷

存

王性凌雲堂文集二卷香雪山房詩鈔四卷

存

詩鈔自序略云余少喜吟詩嘗取漢魏六朝及唐宋元明諸家詩讀之顧余鈍於領悟數年來茫無一得

長而專事制藝不親吟咏者又十年庚寅秋因事赴江南道途有感吟興復動及抵清口又與張佩蘭先生詩相酬倡辛卯返里檢舊日所作偶質友人申果亭輒謬蒙許可爲點竄塗改之於是復取古人詩集沉潛玩索昔東坡云舊書不厭百回讀熟讀深思子自知余雖不敢謂有得東坡之旨然視向之選調布格泛濫無依者差覺會心年來坎壈多艱名心頓息乃翻篋衍中所藏手稿散亂無次因取而錄之都爲一集顏曰香雪山房詩鈔明知下里巴人無當興觀羣怨之旨然當年靡歲月耗精神循習揣摩之苦又忽忽不忍置亦聊以存之以就正有道云耳

郭承寵隨年詩集四卷

存

王姓序略曰隨年詩集四卷門人郭生課餘所吟之詩也韻致鬆秀無時下癡肥板滯之習如三春弱柳嫋嫋可愛觀其詩可想見其人庚子以所錄窗稿請序於余余告之曰虞書詩言志志之所之感於物而發於聲非徒緣情而綺靡也古之人讀破萬卷下筆有神豈後生小子所可率爾操觚者哉况生齒方穉途方遠使刻勵以待詣力隨年俱進波瀾意趣以漸

至於古之作者庸可量乎

馮遵堦借山園詩集二卷

存

案是園爲遵堦父大烈所築而詩則遵堦手集者也皆當代名公遊園倡和之作間附遵堦昆季詩數首有王國泰原序及祝德全隆昌兩司馬序跋數篇茲不錄

馮遵堦香坡翁詩稿一卷

存

陳維屏序馮君香坡世居潞州其先世仕宦有清白

守君亦不事操牙籌力攻舉業數試長安名日噪未

獲一第遂歸構亭樹蔣花竹壘石濬池種魚養鶴登

樓而眺五龍山峙其左太行羣峰羅列其下名曰借

山園謂無錢買山藉以自娛之意耳每晨興督僮僕

滌酒具儲佳釀數十甕日命庖人備蔬果燔炙禽雉

花朝月夕知己無虛日吟者畫者奕者歌者淹留雜

坐盡醉乃已歡聚之餘君輒搖筆構思得一佳句拍

案狂喜至米鹽瑣屑絕不問其由來雖生計日嗇而

好客如故其三子相繼補弟子員硯田以供甘旨君

自安淡泊習餘資以待客客有知之者而主人不

快意自庚申迄丙午垂五十年遺稿數百篇皆性真情摯之作而天君之泰友誼之篤胥於此徵之矣予故樂爲之訂其詩而質言以弁簡端云

案埭弟遵坊有杏莊詩稿一卷又有小畝春橋梅軒詩稿三卷爲遵煥子若姪馬錫等所著並錄其名以備考

郭汝發澹園詩集四卷

存

王翊運技止此詩集四卷

存

宋維藩介夫詩草

佚

連國珠寶東詩稿

佚

冀和斷雁哀秋圖詩集

存

案是圖爲冀和思兄而作前有梁元吉劉寶臣圖二後多當代名公贈章久集爲帙云

培風詩集

存

長沙縣志 卷之四
賈宗彥閨範詩集一卷

存

趙焯序易曰大哉乾元萬物資始至哉坤元萬物資生又曰乾道成男坤道成女則知乾者夫道也坤者妻道也夫妻之相爲配合亦猶夫乾坤也長邑之東南秋谷嶺下山頭村粲英賈公德行素優望重鄉曲得恭人常氏以爲之配誠佳偶矣歲丙辰恭人仙遊當代名公大人爭賦輓章誌哀也越三年戊午冬十月時當瘞玉之辰令嗣春芳等啣哀感激欲付劄刷屬余作文以弁之嗟夫如恭人者豈易形容哉余竊

思人生天地孝爲大賢次之慈惠又次之恭人孝德著於庭幃賢聲聞于閭里不茹不忌克寬克仁不特儀型於內抑足觀化於外宜乎有是德卽有是福爲龍章所寵錫而郡伯推爲閨壺之師範也夫人情莫不膺華膺享大名亦當時則榮沒則已焉今恭人遐舉之日而能使文人學士揮毫染翰詞超薤露殆所謂一字之褒榮於華袞恭人雖沒而生氣不凜凜如昨耶然則余將何以名其篇余不能名仍卽郡伯之所推者名之曰閨範集以爲世之爲婦者勸焉

詩鈔存詩三首

冰甌集二卷附

存

詩本性情者也人生而有志志發而為言言出而成歌咏協乎聲律其大者和其聲以鳴

國家之盛次亦足抒憤寫懷舉日星河嶽草秀珍舒鳥啼花放有觸乎情即可以宕其性靈是詩本乎性情者然也而究非性情之至也夫在天為道在人為性性動為情情之至由於性之至至性至情不過本天而動而天下之凡有性情者相與感發於不自知咏

嘆於不自已於此見性情之所通者大而其機自有真也彼至性至情充塞於兩間觸際不可漸滅者孰有過於忠孝節義哉予嘗慕古人三管之紀每遇事有關於忠孝節義者輒流連不置今夏客從上黨來持冰甌草一册乞予言以弁簡端是册也乃咏胡母杜節婦也節婦及笄矢柏舟操終養雙親繼續二嗣行建名立榮叨

旌典坊成遠近作詩以歌之洵曠壇盛事也予觀其苦節自貞矢死靡憾乃天下至情人孝道尤克義方無忝乃天下至偉人約略生平有聲有光可

噪藝林而諧金石者真性情之感人者深以維持世道人心於不替豈第揚風扞雅供几席間吟哦已哉
因憶歲己卯奉

命典試三晉入其境見士敦節操女尙貞良未嘗不嘆
陶唐遺風未遠心焉儀之而胡氏子弟客遊瀛海間
者又多恂恂雅飭益徵母教不衰不容以不斐辭爰
搦管而爲之序至詩之分葩競艷異曲同工要皆發
乎情思抒乎性靈讀者自得於諷誦間無俟余之嘵
嘵也夫

郭昂寄園詩草

常煜序

續鈔存詩三十六首

案詩鈔稱其工文善書畫法並妙所作古松有唐人
筆築寄園與文人觴咏故其詩清新秀麗無煙火氣
公號雲峰乾隆壬子科武舉

2

六

志七

金石志

古布



古布二文同左一字小異見華氏錢幣考諸家皆釋
爲咎如案左傳膺咎如三字相屬路史每引作膺咎

恐難援長狄備如之例在讀爲咎如也詳考之

泉譜史記
古尤祿同聲如

石鼓文
名發蓋山此
各古文多

金文爲尤甚此二字皆省去口落之艸頭更省爲中
又移於下使與咎字相稱尤離奇也管子國蓄篇人
君鑄錢立幣民庶之通施也輕重篇天下諸侯載黃
金珠玉五穀文采布泉輪齊以收石璧石璧流而之
天下然則列國諸侯固各自鑄布以通有無又各著
其都邑之名於布以示分別有必然者近人泉譜所
載出土邑布極衆大都皆春秋七國時物其爲上黨
地者有屯留鄆子襄垣同是

銅鏡之省

露涅此布亦其一

也泉落爲長治壺關地說詳沿革

如

贈代郡太守程哲碑

存

正書天平元年摩崖刻今在縣西南袁家漏村

即今東呈

假恆農太守程定宗詔假常山太守程文靜前祭酒
輕車將軍給事中程海珍假太原太守程蓋世程進
程慶仲等造朔州故平北府長史程鉢字洪根故晉
陽令程蓋字士德故高都令程買字市略故贈代郡
太守程府君之神文

君諱哲字長子人也系自商

康休父以鑒明洞悟乃光隆於周室官班二大位極
台鼎綿邈蹤基君卽綺葉也不子乃貞榭獨振穎略
自天出周入衛世爲名口遠祖嬰幼聰長睿義節純
和晉平公以其儒雅封爲忠成君祖不識碩學養性
志翫林嶺顯隱之機比德於伊傅口口之歎必俟於
連漪何異垂翼口菌彌鱗倉下故漢武徵賢三詔而
後起辭不自免遂登車騎大將軍安西衛尉并州判
史霸成侯乃祖愔字申伯魏文帝景元中與鄧艾代
蜀受律西征恭行天誅使城都自潰劉禪替賴帝命
使持節征北將軍青州刺史特進廣平侯愔弟昱忠

亮貞正魏文帝命車騎大將軍儀同三司祖雄字長
思晉國初建任寧西將軍陳留太守俄遷豫州刺史
山陽侯祖猛字景陵晉惠帝永康中任寧遠將軍泮
氏令祖豐字慶雲晉懷帝永嘉元年中任寧朔將軍
魏郡太守值晉室道衰劉氏稱霸曜勒王珍襲帝洛
川愨帝昇祚以豐中良才堪撫捍卽除上黨太守口
口劉石鳩峙口地狎狼遂因守任卽居上黨豐弟服
趙明帝建平中命司徒公豐生七子長子
七年任北中郎中豐弟稚趙建平中命
軍

年任駕部郎中代郡太守貴鄉侯次景絕後次洛廣
平中牟二縣令次陽容城令高祖周上黨太守慕容
超命爲功曹東燕建興七年除鎮軍將軍常山太守
曾祖蒲大魏神瑞三年命蒲造峰臺都將除武安令
祖芒大魏明元皇帝大駕親戎詔訪英彥芒時應命
爲望義從西征有功補高都令在官勤明不遑寢食
宰民惠下恩齊卓魯芒弟信假魏郡太守次弟鞞假
趙郡太守 昆弟四人誕應靈源世荷著姓瓊柯
玉葉垂馨不朽君器識融通狝素淵雅論經則通并
於四科語典則幽達於賈馬揮翰風生吐章落玉宰

等曾閔義同柏山又善弓劍便於騎射彎弓十石矯
矢獲號養遊蒲盧茂以加也散口誕容效嵩衡無以
量其高遊神六合江海寧可測其 深振羽霄霞考
槃雲室高扳人表獨悟世里享年不永春秋八九卒
於崇仁鄉孝義里臨終清解言爲世範遂勅諸子
遣以後誨顧命曰君義臣忠父慈子孝兄愛弟順能
此六者則吾無憂矣惟君南圖未極北駕遽注凡在
有識莫不悲之於是主上悼心遂加褒錫道
以慰亡

太守并息贈陳郡太守程永之頌文於皇寶冑時惟
殷商金玉禪聯本枝剋昌琳瑯雲暎鳳翥龍翔爰暨
休文廓清徐方修修烈祖英才桀出直道匡君光隆
漢室剛亦不吐柔而能慄口霜口獨秀皎皎若日惟
君淵雅器識融通高齊八僂德侔四公孝並二連伺
雷等蹤揮章落玉曠世少雙汎愛鄉黨口蹈義恂恂
德祖周孔非禮勿親有美君子如玉如珍昊天不惠
降此凶泯 代郡弱冠振聲志超霄漢氣邁雲星
處寒增蔚逕霜特清如何不淑哲人禍丁哀哀慈
孝子肩休令官號陳郡器美德盛冀享遐齡輝贊邦

政良木空摧昊天殞命蘭葉夏彫芳桂春折日月煙
暉降茲霜雪山川改色思鳥鳴噎寒雲蒼芒悲風激
烈 故晉陽令蠡并二息贈廣平太守靜光假西河
太守次等之頌 雍哉休哲皇魏棟楹布澤唐晉緝
熙遠彰義感經負沾被遐方誕生慈父福祿永康堂
堂廣平光詰舊邦布政鄉井雅性從容風動草偃不
肅而從衣錦白日惟有茲公慶及西河少聰長令敷
育汾邦光顯王命勳勳著榮父子蔚曠 故

并息贈

之頌也

明明

江

太守并息贈陳郡太守程永之頌文於皇寶冑時惟
殷商金玉禪聯本枝剋昌琳瑯雲暎鳳翥龍翔爰暨
休父廓清徐方修修烈祖英才桀出直道匡君光隆
漢室剛亦不吐柔而能慄口霜口獨秀皎皎若日惟
君淵雅器識融通高齊八儂德侔四公孝並二連伺
雷等蹤揮章落玉曠世少雙汎愛鄉黨口蹈義恂恂
德祖周孔非禮勿親有美君子如玉如珍昊天不惠
降此凶泯 代郡弱冠振聲志超霄漢氣邁雲星
處寒增蔚逕霜特清如何不淑哲人禍丁哀哀慈
孝子肩休令官號陳郡器美德盛冀享遐齡輝贊邦

政良木空摧昊天殞命蘭葉夏彫芳桂春折日月煙
暉降茲霜雪山川改色思鳥鳴噎寒雲蒼芒悲風激
烈 故晉陽令蠡并二息贈廣平太守靜光假西河
太守次等之頌 雍哉休哲皇魏棟樑布澤唐晉緝
熙遠彰義感緜員沾被遐方誕生慈父福祿永康堂
堂廣平光詰舊邦布政鄉井雅性從容風動草偃不
肅而從衣錦白日惟有茲公慶及西河少聰長令敷
育汾邦光顯王命勳勳著榮父子蔚暎 故

并息贈

明明

玉潤貞節常在謫生太原光蔭唐墟靈根萬刃世稱
高腴流芳布醜曠代漢儒文優武博德必不孤昂昂
祖父詵詵子孫遠苗自湯世爵相傳寄刊玄石託咏
名門

謹案此碑於近年始經人訪得摩崖刻高四尺許字
三十二行行四十五字楷法勁整惟結體甚小磨崖
刻艱於運刀鋒銳少鏤而完好僅缺數字殊可貴也
其文則支離雜沓漫無體裁不能以金石常例繩矣
碑額題大魏天平元年歲次甲寅十一月庚辰朔三
日壬午造詔歲月書額唐貞觀晉祠銘以前此爲僅

見其下首行題假恒農太守程定宗詔假常山太守
程文靜前祭酒輕車將軍程海珍假太原太守程蓋
世程進程慶仲等造第二行題朔州故平北府長史
程鉢字洪根故晉陽令程蠡字士璉故高都令程買
字市略故贈代郡太守程府君之碑文標目連及同
族名字並書金石中尤爲創見也文稱君諱哲字子
賢上黨長子人器識融通神素淵雅論經則通并於
四科語典則幽達於買馬揮翰風生吐章落玉考
曾閱義同又善弓劍便於騎射彎弓
緩

雲室高扳人表獨悟世里蓋才兼文武賢而隱者也
其敘家世溯始商周系出程伯以程嬰爲遠祖次漢
程不疑次魏程愷與弟昱皆於史有徵以下則爲晉
豫州刺史山陽侯雄浮氏令猛上黨太守豐豐弟後
趙司徒公暇而豐實始居上黨豐生七子七子皆當
爲二之誤蔭元氏令稚白馬令魏郡太守前位
趙稚生五子綆代郡太守貴鄉侯景絕後洛廣等
奉二縣官陽容城令周常山太守皆仕於燕而程
其高祖晉祖蒲始仕魏爲武安令三子芝高都令信
長子守鞞假趙郡太守則敘止祖芝而不及

又標曰之程鉢程蠡程買亦不復敘及而文後別爲
三頌一題故贈代郡太守并息贈陳郡太守程永之
頌詳頌詞卽哲與其子也一則蠡並二子廣平太守
靜光假西河太守次等一則買並其子贈太原太守
義而獨遺鉢無所述凡此諸人與造碑之程文靜等
六人亦竟不知與哲屬何輩行也至若敘程氏所自
有云伯苻以英才桀出作卿相於成康休父以鑑明
洞悟乃光隆於周室伯苻無可考據唐書宰相世系
表言重黎之裔孫封于程爲程伯至宣王程伯休
父失其官守以

在成康時或即封於程之程伯耶要必有據不得以
不見古籍遽謂無其人也惟謂晉平公封程嬰爲忠
成君漢武帝以程不識爲并州刺史霸城侯皆不知
何本若爾則後來趙宋之封程嬰爲成信侯公孫杵
臼爲忠智侯特襲舊號而刺史專制不自後漢霸城
置縣亦不始西晉矣三代無追贈官爵之制漢武初
置刺史治秦制以丞相史爲之
秩六百石治無定所地理志無霸
城縣晉志始有此縣屬京兆郡其他自程昱外雖
不見史傳及姓氏書要是實錄程氏世爲潞著姓康
熙中程大令正續晉輯上黨程氏乘餘錄以補郡志
未備其子之昭復有續錄又著程氏人物考搜採可

謂勤矣而此碑近在境內其有關於譜牒甚鉅徒以
山崖幽僻竟未一覩物顯晦有數信哉

隋

舍利塔銘

存

隸書仁壽二年立舊在縣覺寺今移置官莊寺

維大隋仁壽二季歲次壬戌四月戊申朔八日乙卯皇
帝普爲一切法界幽顯生靈並於潞州壺關縣梵境寺

奉安舍利敬造靈塔

帝皇后皇太子

道三塗人非人等生生世世值佛聞法永離苦因同昇
妙果

大隋 皇帝 舍利寶塔下銘

案碑與金石萃編所載仁壽二年鄧州舍利塔銘爲
一時事而文則刻敕語又與所載仁壽元年同年益
都兩塔銘同其大隋皇帝九字他碑在文前此小書
於後爲異耳唐沙門廣宏明集有仁壽元年六月十
三日立舍利塔詔其略云朕歸依三寶重興聖教思
與四海之內一切人民俱發菩提共修福業使當今
見在爰及來世永作善因同登妙果宜請沙門三十

人詣解法相兼堪宣導者各將侍者二人並散官各
一人薰陸香一百二十斤馬五匹分道送舍利往前
件諸州起塔其塔所司造樣送往當州僧多者三百
六十人其次二百四十人若僧少者盡見僧爲朕皇
后太子廣諸王子孫等及內外官人一切民庶幽顯
生靈各七日行道並懺悔率土諸州僧尼普爲舍利
設齋限十月十五日午時同下入石函總管刺史已
下縣尉已上自非軍機停常務七日專檢校行道及
打刹等事務盡誠敬稱歡意焉是歲分送舍利之州
凡三十云云今可

長治縣志 卷之四
神尼舍利塔見靈隱寺志亦仁壽二年所立與此碑
得五州也

唐

舍利銘

存

行書儀鳳三年立舊在昭覺寺今移置官莊寺

大唐聖帝感舍利之銘

檢校官人司馬戴安業

夫八相分容應物而宏攝受二乘命駕自我而開軌轍
是以迷方罕託入寂舍而嬪法妻弱喪無歸赴權門而
憐慈父俯幻機而踐迹道格四生隨滿願而呈姿仁涵

六趣櫛沐三災之運舟航八苦之津有念必從無求不
應然後藏山示盡促耆嶺之朝峰變海歸空急恆源之
夜水雙林顧命仍留住世之恩千疊遺身詎隕將來之
相可謂生滅慈護終始經營永闢悲田長宏願力者矣
舍利者卽釋迦牟尼如來般涅槃之真體也分形梵國
作瑞神京乘至弊而幽通降天慈而光被通議大夫使
持節潞州諸軍事守潞州刺史上騎都尉賀拔正面承
恩投頂戴而還凡四十九粒爲青白二色流瓶轉匣吐
照含明離若分珠爭開日月之彩合如聚米各富天地
之容一見一聞永消二障且仰長擯六塵日以

唐儀鳳三年歲在戊寅四月丁亥朔八日甲午安居於
此境寺舊塔之下恭皇綽也余其重肩製玉疊柳鎔金
微郢石而陳謨命班輪而作範極雕礪之變態究象設
之閑安胡散大夫守潞州長史崔承休司馬戴安業羣
僚等並洗心申敬濯影投誠如登剝利之期若睹閻維
之會僧尼雲委士女風趨同瞻四升之姿共慘千行之
日願乘茲介福普證菩提假此妙緣俱清煩惱刊石紀
矣 其文當州學仕張毅製之

府志梵境寺在城東北隋時建唐儀鳳三年賜潞州

刺史賀拔正舍利四十九粒正與長史崔承休司馬
戴安業藏寺內舊塔下爲舍利銘刻石寺塔久廢萬
厯間居民取土得舍利并石刻瀋定王瑛堯爲建塔
於昭覺寺東狀元朱之蕃記

案瀋王建塔時并碑銘座其下厥後寺圯塔址夷爲
田岡治中爲耕者所啟石甃深固衆莫測問於郡守
守命掩覆光緒己卯纂修邑志志局諸人始發其甃
得古刻四其二爲僧畫像無題識一隋碑一卽唐碑
也舍利青白二色色各異其形大若豆瓣碎或如米
粒以琉璃小瓶盛之

藏石函內函絕大中別嵌一石刻瀋瀋記略云王獲舍利於梵境廢寺有隋唐石刻隋僅存空器唐所藏者四十九粒爲建銅塔於此并座其原石云云文不工亦不著撰書人府志謂朱之蕃記或別有據而竟不言有隋碑則傳聞未審耳乃以舍利并石刻置城東官莊寺唐碑行書有褚歐法隋碑乃楷隸時雜篆體郡中古刻無先於此二石矣

宋都尉墓志

原石封墓中文見舊志永徽二年

君諱舉字思進太原西河人也出自帝嚳殷王之苗裔

若夫周封微子錫九命以分都漢拜宋宏列三公以讚國綽茲以降軒蓋相承騰茂飛英不得同日而言矣祖秀齋鎮遠將軍父悅隋擢爲本郡中正君維岳降生含章聞起貞心孤蓬凌百丈之松逸足迴馳超千里之驥搏風迅上勁羽薄於穹天凌波遠泝巨鱗橫於大壑大唐興運更造二儀清覲授於區寰掃羣克於九域君宰旗斬將名震勳功滅敵摧城勳參王業特授儀同三司非其志也君歸依上道克念厥因凝心寂滅之場託想無爲之境不謂夢奠兩楹竟有二豎飛靈之散弗驗於留寬畫龍之符

永徽二年六月十日

日卒於私第春秋七十有一士友駿奔親朋擗踊啟手
啟足乍殞乍生嗟天地之無心恨靈祇之爽德輔仁與
善諒曰徒言積慶延齡竟成空說君履道貞純懷鉛握
素仁義播其徽猷孝弟揚其茂實雖潛暉山水聲聞九
澤晦彩林泉譽流三輔嗚呼名存身沒實追悼於當今
物在人亡更悲涼於古昔夫人裴氏鍾氏並冠蓋良家
公侯甲族年齡不竟風露先晞窳窳之所既宏窆棺之
禮從吉卽以其年十一月十三日合葬於州城西二里
南望羊頭雲蒸觸石西通漳浦水氣沉潛東臨百雉之
城北枕三垂之嶺山形起伏還符白鶴之祥地勢風雲

更合青烏之候嗚呼乃爲銘曰微子歸周九命封殯宋

弘佐漢三公建職作帝鹽梅爲君羽翼奕葉英賢殫聯

盛德其一惟祖惟考乃文乃武蹇謬匡君忠貞翼主功被

山河德資茅土價重十城名高九府其二君之嗣也克復

前蹤儀刑模楷詞令溫恭奉旗斬將名立功成惟求上

道寂滅爲宗其三五福無徵兩楹作夢龜散徒聞龍符無

用士友駿奔親朋悲慟昊天不弔奄焉長逝其四裴氏鍾

氏蘭彫桂折玉色消沉金聲永絕織女還星姮娥歸月

迴帳泉門光輝此滅其五寒郊寂寞川空烏思隴闔雲昏

松吟風馳望道遺其六一朝今古千秋銘志

識何從新封此地

師言墓志

石佚

君諱口字師言潞州上黨人也其先炎帝之後祖壽齊鄉郡守決訟舉善道敷庶績父英任州主簿屬隋室道窮中原鼎沸橫流亟亂危途屢踐暨乎代故將表而良時已逝乃歸閉舊里養素邱園有道無時空懷子輿之嘆居常自得雅叶啟期之旨君識宇凝深器畧宏遠松操不改於窮濫竹質豈移於歲寒俄而顧復無依几筵禮革春秋五十有九卒於私第以總章二年歲次己巳

十月甲午朔二十八日與太夫人王氏合葬於州城西北五里於時愁雲慘而原野晦悲風起而林蘂秋勒遺芳於元石庶作固於風猷其詞曰荒涼原野悽愴山川霜露秋草樹沒晨煙元臺不曙白日何年

案志不書姓又闕其名惟云其先炎帝之後祖壽齊鄉郡守英州主簿鄉郡今武鄉縣石勒分上黨於此置郡後魏去武字師言與其母同日葬故文云與太夫人王氏合葬於州城西北五里文中顧復無依几筵禮革蓋據其居母喪言也

羊頭山清化寺記

佚

天授二年鄉貢明經牛元敬撰并書鄭世子載堉羊頭山新記云字行書道逕可觀

程司馬墓志

石失所在文見吳志先天元年

君諱芝字靈秀廣平人也遠祖上黨太守封潞城縣侯子孫因家焉昔玄鳥呈祥運叶高辛之代白狼表瑞道符殷帝之年因地封官謀不同於千里惟天佑德彰有命於伯符賢良挺生文才間出侍中匡時於漢帝功著克諧尚書不就於晉君名徵太學望高三輔貴

光映史圖可略言矣高祖禮齊銀青光祿大夫并州刺史攝諸軍事高情賦物爲九能之大夫宏畧佐時宣六條之美績蒲鞭示恥竹騎懷恩萬頃波瀾千丈崖岸曾祖相隋葉縣令職裁貝錦政揆玄歌鳧去鳧來豈孤芳於往彥星出星入何獨美於前修樹上翔鸞遙窺心鏡桑間馴雉遠狎仁風祖師仁辨月髻年參元早歲書通三篋學富五車筆海澄漪包馬卿之雲氣詞林穎拔擢公幹之松枝十八秀才舉人東京三張減價二陸罕儔聲振洛陽名高賈誼初授本州司戶簪裾郡邑譽滿百城衣錦鄉關榮光三井後改任同州錄事參軍提綱境

內振領壺清佑列岳以窮奸閭中肅穆輔帝卿而康直
天下規模惟君器鏐淹凝風神秀出輔小山之桂佐長
坂之蘭忠孝其心瑚連其德豈謂藏州易往隙馬難留
春秋六十有三遺疾卒於私第夫人華陰楊氏太尉公
之裔上柱國禮會府折衝才之女也家風迴舉門慶風
彭汎輕栢於中河附長松於邃谷俄而鳳移珪樹生死
齊淪龍去劔潭雄雌並化同以先天元年十一月七日
合葬於潞州西南三十里平原禮也地入全晉城分故
韓壺口東臨得昭侯之奧壤漳源西據識帝女之銜枝
夫石存壺贈清風於荒隧烏占卜地候白日於佳城嗣
子思儼仲子思訓季子思空等哀纏扣地痛極號天懼
懷荼蓼之悲共結風木之恨縱九河如帶茂烈仍存三
山若礪風猷尙在其詞曰高辛之苗伯苻之胤慶襲殷
周榮承魏晉趙客曰嬰漢臣爲浚惟子乃孫金貞玉潤
猗歟祖考聿修厥德武庫經邦文場觀國三輔爲榮兩
河綰職洛陽才子其儀不忒寒水瀟瀟高陵鬱鬱隱道
藏靈三琴悲瑟素蓋風移丹旆雲拂一歸兮元夜長辭
兮白日

案前志藝文標目爲程司馬陵墓則書爲司直府志
并同文不詳所歷官無從別其孰誤獨據輔小山之

桂佐長坂之蘭二語知其嘗爲王府官唐東宮官屬
司直一人正七品王府官屬司馬一人正四品豈芝
先官司直後遷司馬前志於文前標題結銜中摘書
一官遂致兩歧耶惜不得拓本正之文云遠祖上黨
太守封潞城縣侯而不舉其名備述高曾及祖官職
事狀而獨遺其父銘辭三琴悲瑟琴家也見方言

董君墓志

石失所在文見舊志開元二十三年

洋夫孕質銀河凝神珠浦朗搖光之鑿晰瑩水鏡於澄
金紫光祿之榮銀青大夫之職洎茲以降代有其人

君諱師字德行望本隴西董狐之苗裔因官此郡人也
曾祖道祖緒本州子錄事父騎都尉器宇澄邃局度洪
深禮教修於鄉閭仁風扇於里閭福不祐仁儀鳳三年
三月二日終於家第春秋四十有二夫人裴氏淑質凝
輝應鳳祥而在則芳姿湛彩撫鸞舞以裁規閭里挹其
輝猷郡邑欽其禮節春秋六十有九開元二十三年歲
次乙亥正月戊午朔二十八日己酉窆於南董村東南
一里之原禮也嗣子立言循陔動息陟謁帖興悲執遺親
而長號抱藏書而永勸扶靈柩之力用壘高墳分滅性
之餘以崇棺槨

案舊志標目曰墓志銘并序而實無銘豈原石故佚耶抑傳寫脫漏耶且志卽序不當復有并序字則直曰董君墓志可也府志嘗刪其文首四十二字而標目仍其誤

王府君墓志

石失所在文見舊志開元二十七年

君諱盛其先太原人也蓋仲宣之後因官爲上黨人焉曾祖達卓爾不羣氣自天秀恭而有禮卑以自牧謙謙君子人無間言祖廣稟質挺生瓌資人傑道無不適學藝博通恥州縣之徒勞守邱園以徇志公幼而知禮長

能訓導鄉曲先其孝悌朋友許以信諾蓋百行而不乏亦十室而有鄰加以教子義方必依乎禮垂其汎愛不違於道嗟乎德行推先善慶門積誠可高門待封何乃蒿里先歸且夫善人爲善自強不息天之報施何其顯歟春秋八十有六以開元廿六年五月五日卒於私第母郝氏宣慈惠和恭敏勤恪挺生其質廉靜天資以先天二年九月終於私第繼母陳氏是日慈母訓子從道豈伯奇之能養亦子騫之盡力以開元廿六年八月卒於私第以開元廿七年歲次己卯三月癸亥朔八日庚午並合葬於府城南

於千秋平臨堆阜冀不朽於萬古嗣子宗等痛高柴之
泣血三年未嘗見齒悲曾參之絕漿七日幾至亡軀亦
哀毀而骨立痛魂靈之罔象生事以禮死葬以禮式刊
貞珉紀諸芳烈其詞曰

主代何幾兮難留風樹不靜兮何求德音冥寞兮超忽
魂靈泉壤兮山邱皇天慘慘白日悠悠泣誰怙兮誰恃
悲神道兮深幽

案此志明天啟中濬陞於城東南隅所得唐初府治
在隋子城中偏西北故文云葬城南五里也可以證
舊說壺關故城在城東南七里之誤前志乃據其文

謂隋唐以來之上黨縣皆不在今城以五龍山之故
城當之則謬甚矣

王府君墓志銘

石失所在文見舊志開元二十七年

君諱守忠字元德其先太原郡人也自周王錫族于晉
疏源離翦並譽於秦朝陽尊連芳於漢日至於蔡邕倒
屣呂虔歸佩讓鄰棗以抗節筮淮水以期昌聲馳八紘
宗播三彙故君爲上黨家矣曾祖暉祖義父淹並晦迹
衡門養神邱壑俾曾閔之孝友遇老莊之節概君文武
不墜行能起邇敦

儒之年矯矢虛弦

譽弱冠之日應良家之選備羽衣之林一衛軒墀屢移
星律勉慕仁智放情山水屏囂雜出氛埃別業蕭條新
開柳榭閒居蔭映舊是桃源嗚呼川閱不停山顏軫思
忽棄北堂之壽遽從東岱之游開元廿年六月卒於私
第夫人隴西牛氏四德先著久閑於內則三從不爽尤
契於母儀南國雙鸞乍分飛而失伴豐城兩劒終合響
於同游蘭堂未盡於遐齡蒿里何催於此日開元廿六
年十一月卒於家享年七十新婦新平馮氏次子承休
之偶也倬彼綺紈宛若桃李千金窈窕正下於星橋二
八娉婷何先於月路開元十三祀三月歿於室甫年十

八粵以開元廿七年歲次己卯二月癸亥朔二十八日
庚寅合葬於潞府地南三十五里蒲池村西北二里平
原禮也東臨滄海翩翩翔鳳之川西望秦郊翼翼分疆
之地南觀峻峙是仙人跨鶴之鄉北眺隴岩爲神叟伏
牛之土孤子承業承休等感深風樹路斷雲天俯懸兆
而魂消仰慈廟而氣竭敢鑄金石永紀芳猷其詞曰慶
開傳序兮茂禎祥天道何遠兮斯論亡郊原一望兮淚
沾裳邱隴千秋兮增感傷日月居諸兮同歸於化敬題
琬琰兮地久天長

石失所在文見舊志天寶九年

君諱盛字德太原人也周號叔之苗裔郭級之後卜洛
開宗賦江流膺分枝列位政績全殊林宗入朝驟麟折
角細侯敦信竹馬爲期備善緣細可略言焉曾祖寶任
廣州華池縣尉父愍隋朝舉秀才惟岳降神含章挺秀
敦詩閱禮至操風雲君蘊三略之英謀豫七萃之行陣
往以龍遊涓水棄筆從戎鹿盡中原勲兼武帳迴戈指
日挺劍衝星勇烈冠於三軍忠赤橫於一旅君智謀雙
美文武兼資時展效以鷹揚得封侯於鷲嶺言唯金石
氣襲芝蘭異物許其用遊遜弟聞於親執豈以百齡已

盡千月遽空俄軫北遊奄聞東首春秋六十七開元廿
八載四月廿一日終於私第嗚呼痛哉何期然也夫人
馮氏並婦德夙彰母儀堅著性諧琴瑟道契瓊篲楚劍
雙沉梧桐俱死春秋六十開元十六載五月十三日終
男神安開元廿六載二月十日終以天寶九載歲次庚
寅十一月丙戌朔廿四日巳酉合葬於郡南五十里平
原禮也左隣麥岫右帶龍山南望雄峰北臨孤嶺嗣子
神太修陔動思陟岵興悲谷雙山移刊石正記詞曰郭
尹開望馮氏正潔琴瑟兩諧國恩雙絕勒銘兮幽泉千
載兮不滅

案柱國以武功起家文中龍遊涇水當指伐高麗事然其卒在開元二十八年年止六十九去太宗親征時甚遠不當援及蓋生於高宗上元初年時高麗兵事未解後來稍有武功而遂據以爲鋪張之地諛墓之文至此浮誕極矣郭級之後誤汲爲級異物許其用遊巽字不見字書旬不知何解

郝處士墓碑

存在西火鎮文泐

案前志隱逸傳郝洽字元津以門第爲本州中正隱居西火鎮云云當是據墓碑爲之府志碑文胥四六

歲久剝落疑爲州中正者乃其祖父文字殘闕遂誤合爲一人也俟考

馮處士墓志

石失所在文見舊志

君諱元字裕甫上黨人也卽馮亭之後裔五岳開基三元輝彩功高翼漢道克匡周累葉相承派流斯日曾祖龍齋任魏州長史美政及人祛飛蝗於千里慈仁育物寬峻法於三章祖範隋任夏州博士擁座授經得鴻名於北海下帷慕道騰令譽於關西父裴少好琴書志窮山水重暮山之飲

仕君養志邱園同陶潛之五柳居家孝友異田真之獨
株每以書閣雲消動詞章於白鳳墨池波靖望筆海於
飛鴻白馬臨關謝事機於卽日清琴向月赤燭養於今
晨屬以積福無徵易簀斯及同兩楹之應兆若二豎之
殃來旬月之間纏疴不愈卒於私第春秋五十有七嗣
子加輝卜葬於城西南司馬村西北平原禮也左臨滄
海對蓬萊仙島之宮西望昆池識漢帝石鯨之沼嗚呼
哀哉嗚呼痛哉其爲詞曰一從蒿里永秘泉臺白馬旣
往非任不廻痛臨川之已逝感俗士之傷悲

案誌不書卒年葬期以祖範仕隋推之當是開寶時

人

李抱真德政碑

有陰

存

正書兼行額題唐相國司空義陽王李公德政口功
碑十五字篆書貞元九年立今在府學

昭義軍節度支度營田兼澤潞磁邢洛等州觀察處置
等使光祿大夫檢校司空同中書門下平章事兼潞州
大都督長史上柱國義陽郡王李公德政碑銘

并序

銀青光祿大夫守門下侍郎口口口下平章事上柱

國觀西縣開國

銀青光祿大夫守戶部尙書口度支及諸道鹽鐵轉運等副使上柱國扶風郡開國公班宏奉勅書

朝散大夫守口口府長口口陽縣開國男韓秀弼奉

勅篆額

唐之元臣曰義陽郡王抱真字太玄蓄河岳之秀叢祖考之慶克生殊才以佐元后宏勳茂績可得而稱也公體仁執忠抱素專直威厲霜雪氣凌雲霓沉毅足以建功寬裕足以安家召公相武之智申伯翊宣之籌尙父六韜之奇夷吾九合之業未冠公皆建之果爲從父兄故相國抱玉所重期以遠大薦於肅宗授汾州別駕僕

固懷恩之平史盜也伐虔劉之功恣暴戾之性不率朝典潛懷異圖公髮衝危冠憤激忠節間道詣闕潰其奸謀而渠魁疾顛汾潞底定代宗奇之拜殿中少監永泰初又兼御史中丞充陳鄭懷澤潞等五州節度留後恩光薦及輝耀當時謙不奉詔累有陳讓上大器之改澤州刺史兼侍御史充節度副使巡內五州都團練使澤人欣欣如戴父母公虔奉聖旨專精吏職一年而流移復田壤闢軍給人阜風淳俗美時屬敵卒聚鍾鼓山肆其猖狂逞以騷劫議者謂兵燹之公謂之曰夫人稟元和以生奉五常以立

由於政政和則禮讓興仁義著政敗則刑罰滋盜賊起使其叛亂是德之不修也姑務自咎豈可加兵乃申以禍福之門引以開秦之路投戈箠矢休斂巖蕩慰勞加等仁風載揚遂遷懷州刺史澤人去恩之憤凝爲愁雲懷人來蘇之慶霑若膏雨爲政未幾懷如澤焉天子寵文翁之能旌龔遂之美以節使司徒公備戎於西乃授檢校秘書監兼侍御史權知行軍司馬充潞澤節度使度營田觀察處置使留後仍知潞州大都督府事公以殊恩寄任留務浩穰徘徊化源獨與心計乃約故實財成庶政禁暴以安物薄賦以養農省徭以息孤憚均調

以資士卒孝弟聞於鄉黨學校興於里閭刑戮廢於戎行鞭扑弛於官署闔境之內不日而化焉建中元年特授節制并廉察本道兼領潞州大都督府長史練勤王之師修守土之備內勸耕食外揚武威布大君之誠以睦藩屏導聖朝之化以釋危疑由是上澤得以下流下情得以上達君臣無間臻於太和公之力也屬軍戎之後蟲旱爲災公請罪神祇憂見於色精感而飛蝗越境誠懇而霖雨應期稼穡獲全異於他部古之循吏何以加焉公前後歷官一十八載尋爲侍御史中丞尙書常侍三領郡守一登

六百戶命爲承弼同平章事俾平水土兼領司空量宏而深識達而朗常執虛以驚寵不求援而取貴起題輿登補袞簡自皇極爵爲元臣非德及蒼生忠貫白日則何以臻此潞之緇黃耆老詣闕陳情願勒貞石帝嘉乃誠詔門下侍郎平章事董晉撰文以昭其功銘曰皇矣上帝降祚有唐蘊粹孕靈克生義陽明明天子賢能是獎乃命義陽鎮於上黨烈烈義陽惟國之楨屹若崇山隱如長城用極於正性根於忠英風外馳明謨內融王度克遵惠此罷人以德代刑散澆爲淳軍以威雄宛以定攝恢振皇綱輔弼天業帝曰抱真允文允武俾登鼎

鉉錫之茅土名高方召道冠申甫刊石紀功用駕

監工上黨縣口郭口仁

有元至正五年冬至日奉議大夫潞州知州張堃仙佈化得此斷碑於岱嶽廟瓦礫中重建於此故記之

碑陰

唐故義陽王碑陰記

至正三年十月同知潞州事前進士東平周泰記

供給潞州儒學正張葵直學杜惟一

監口州吏口口州楊恩直方上黨縣典史楊

自新

長治縣志 卷之四
上黨縣尹靳居仁晉甯路吏目祁口

致武校尉晉甯路同知潞州事周泰

奉議大夫晉甯路潞州知州兼署諸軍與魯勸農事張

楚仙佈化

武德將軍晉甯路潞州達魯花赤兼本軍與魯勸農事

趙鈞

承德郎晉甯路潞州達魯花赤兼本州與魯勸農事伯

雷木兒

潛研堂金石跋尾考新舊唐書地理志五代職方考

磁州字無從心者此碑磁字點畫分明又天祐十一

年澤州開元寺神鐘記亦作此磁字州縣之名當從
其時本稱史臣秉筆任意更易非得石刻何由決其
然否此金石之有益於史學也

金石萃編此碑無歲月金石錄系於貞元九年云有
碑陰行書今失揭也碑爲董晉撰班宏書韓秀弼篆
額而皆云奉勅文亦云帝嘉乃誠詔門下侍郎平章
事董晉撰文以昭其功而兩唐書德宗紀及李抱真
傳皆不書其事舊唐書德宗紀貞元十年正月己亥
昭義節度使檢校司空李懷素李抱真請降官乃授
檢校左僕射六月壬寅李懷素李抱真卒新書本紀不書

真卒本傳不書卒年而於宰相表則誤書卒於九年
此碑所紀皆抱真未卒以前之語則金石錄以爲九
年當必有據也撰文者董晉字混成河中虞鄉人結
銜爲門下平章事宰相表載其罷相爲禮部尙書在
九年五月本紀碑不署禮部尙書官可知其撰文在
九年五月以前矣書碑者班宏衛州汲人傳載貞元
八年以宏專判度支使而無守戶部尙書之官碑書
扶風郡公傳所未及其卒也在八月據此則書碑又
在八年七月以前矣今不能確定姑從金石錄附於
九年篆額者韓秀弼與秀實秀榮兄弟並以八登

名諸書皆無可考此碑署銜曰朝散大夫口口府長
口口陽開國男據廣德二年書城希晏碑題曰朝議
郎守衛尉少卿淮陽縣開國男則此所泐封縣乃淮
陽也墨池編載其所書有元待聘碑李齊物碑鄭叔
清碑裴曠改葬碑李元亮功德頌李晟先廟碑而不
及此碑之篆額則此碑久不傳於世矣碑載抱真高
祖修仁曾祖承祖懷恪父齊管皆無傳所載抱真歷
官兩書稍略惟新傳云錄倪國公達義陽王碑則略
其公爵傳又稱抱真自貞元初朝京師還領會天下
無事乃好方士

僕射餌當二萬三千丸而卒讓司空是貞元十年正月事此碑尙是在潞鎮時所立也

案碑文今殘闕不可識者一百四十五字舊志載其

全文茲據以錄入

文中凡帝皇聖天子字空六格書或五格有唐原后恩光上澤諸字

空四格原石文二十八行行五十四字篆額十五字

分三行書第十四字闕而石上刻有方空似當時書爲紀功後改爲武功者末行當有年月爲張知州磨去自刻其重立之由府縣志不察遂臆斷爲碑立於貞元十年在茂貞卒後誤矣碑陰文十六行卽刻於斷裂之下段字殘缺不可讀惟後列銜九行尙完元

制達魯花赤爲監州宜首列此與知州並次於後者以左行爲上也

宋

長興寺殘幢

存

正書在寺中開寶年立

幢書陀羅尼經有頌并序文殘缺不可讀前有徵事郎試大理評事口中正字蓋撰文者後題開寶口年龍集口口口月九日建

承天禪院記

佚

府志景德元年李繼昌請以潞州舊宅爲寺賜額承

天禪院楊億撰記

寶雲寺碑記

存

正書在內王村西寺中天禧三年立

上黨縣潛龍山寶雲寺記

憶自混沌初形元黃肇啟盤古身分於世界燧人火化
於生靈庖犧畫卦於八方滋章文教大禹疏通於四瀆
粒食蒸民商周當□□之期孔老踐聖明之域帝星不

現蘇口誠對於昭王金齒方陳法顯逆推於晉代列子
表化人之說穆滿王謂之佛神仲尼宣黃帝之談太宰
誥名之大聖釋利房之東下雖未信於秦始皇劉校尉
之西遷乃見書于天祿閣於是漢明帝金人入夢傅毅
昭宣康僧會鼎國口思孫權鄭重邇後南口北律西被
東漸白馬鴻臚始爲寺院名山會府方置禪林卽有潞
府上黨縣潛龍山寶雲寺是其一也其寺名華嚴禪院
自隋唐至我皇宋其間僅五七百年或以兵革災馳封
疆割據緇黃避難因而廢闕先是乾符中涿水山寺僧
明惠大師法諱文公李瓊尙書乃空門之

大雄者也聞師有高行備法駕盛威儀請居止於延慶
禪寺所有師之功德基業尋刊於所請之院迄今存焉
洎師遷化之後有弟子元鏡將靈骨收舍利起塔於本
山後有門人如憚於天佑十四禩蒙上黨縣令堅請任
此山口度得小師藏休等七人亦祖師之法孫也宰官
王鋌與僚屬歎茲山之秀峙復舊有地基斯地也東祭
仙師之靈泉以南北溝瀆爲限約南湖淘源之清水用
東西澗作津涯西接嘗五穀之神祠灑分水嶺爲界道
北靠龍山炎帝之廟貌準橫壘而作奧區其宰官王鋌
等乃就延慶禪院特請之令撥土住持俄而兩縣之民

千人唱萬人和不日而成其法宇於太平興國之年勅
賜寶雲寺之額僧藏口紹爲寺主度到門人徒弟守澄
等一十九人

大宋天禧三年歲次己未四月戊子朔八日乙未記
前代州軍事推官將仕郎試祕書省校書郎張儀鳳撰
寺主沙門守通書

柏谷山唱和詩刻二種

存

行書在神農祠一治平二年立一建中靖國元年立

閏春三月二日陪行
柏谷寺

長治縣志 卷之四
都轉運使左諫議大夫充天章閣待制吳中復

寶界嶽岑路入雲間餘三月屬芳辰烟林未動陰森地
山杏寒開寂寞春潞子嶺頭銷白日神農祠畔軛朱輪
乘閒自是逍遙事誰羨襄陽倒載人

次韻 祕書監知軍府事陳述古

揚旌麥野從如雲訪古烟巖惜此辰使節乍臨塵外境
時光增麗嶺頭春已忻得聞重三月更擬揮戈駐二輪
才德揆天多樂事風流丕變潞川人

治平丁未望日立石 陳知遜書

同遊柏谷

河東轉運使尙書兵部郎中王舉元

曉出東郊迥路穿桑柘林人耕新雨地寺隱半巖陰遠
目窮天宇和風爽醉襟停驂願遺老同是勸農心

嘉祐壬寅歲三月二十二日

男降投朝散郎權知潞州軍兼管勸農事並提舉澤
絳晉口遼州威勝軍駐防口糧本城兵馬巡檢事護
軍口紫口詔恭書 朝奉郎簽書昭德軍節度判官
龐公事武騎尉賜緋魚袋喬世材填諱

建中靖國辛巳歲九月一日刻

標口陪遊柏谷山 不敷率讀都官員外郎

通判軍州事韓標

附驥遊僧剎天清曉色圍園林噴雨過殿閣踏雲來日
轉花陰薄山深磴道迴憑欄堪寫望隴麥翠如堆

嘉祐壬寅年三月二十一日

詩爲嘉祐七年河東轉運王舉元遊山之作後其子

詔此字上知潞州於建中靖國元年補刻者又附刻

同遊和詩一首爲通判韓標作詩後重書嘉祐年月

今人自述先人行狀必使他人填諱始見唐徐浩碑

碑爲浩次子峴所書謂之題諱其徑書填諱又見是

表姓張平叔題諱石然詩刻非墓銘比也一例用之亦所未聞

赤壁賦石刻

存

草書在經歷署元豐三年文不錄

案賦當是明人所書好事者摹刻於此後有元豐三
年壬戌字壬戌爲元豐五年而書爲三年亦拙於作
僞矣特書法頗道媚刻手亦當出於明代故辨其僞
而仍錄之

臨江仙祠石刻

佚

府志古蹟石刻臨江仙祠正德中鄧庠築雨化舍

土所得詞意字體大似東坡邑人程之珫言宋梅庭
老任潞州學官東坡嘗贈以詞此詩爲庭老在任時
所作理或然也詞載雜記

案原刻不知所在府志藝文亦無其詞

大觀聖作碑

佚

正書額題大觀聖作之碑六字行書舊在府學大觀
二年立

學以善風俗明人倫而人材所自出也今有教養之法
而未有善俗明倫之制殆未足以兼明天下有子曰其
爲人也孝弟而好犯上者鮮矣不好犯上而好作亂者

未之有也蓋設學校置師儒所以教孝悌孝悌興則人
倫明人倫明則風俗厚而人材成刑罰措朕考成周之
隆教萬民而賓興以六德六行否則威之以不孝不弟
之刑比已立法保任孝悌睦姻任恤忠和之士去古邈
遠士非里選習爲科舉不孝不悌有時而容故任官臨
政趨利犯義詆訕貪汗無不爲者此官非其人士不素
養故也近因餘暇稽周官之書制爲法度頒之學校明
倫善俗庶幾於古諸生有善父母爲孝善兄弟爲悌善
內親爲睦善外親爲姻信於朋友爲任仁於州里爲恤
知君臣之義爲忠

任恤忠和八行見於事狀著於鄉里耆鄰保伍以行實
申縣縣令佐審察延入縣學考驗不虛保明申州如令
諸八行孝悌忠和爲上睦嫻爲中任恤爲下士有全備
八行保明如令不以時隨奏貢入太學免試爲太學上
舍司成以下引問考驗較定不誣申尙書省取旨釋褐
命官優加拔用諸生有全備上四行或不全一行而兼
中等二行爲州學上舍上等之選不全上二行而兼中
等一行或不全上三行而兼中二行者爲上舍中等之
選不全上三行而兼中一行或兼下行者爲上舍下等
之選全有中等二行而兼下一行者爲內舍之選餘爲

外舍之選諸生以八行中三舍之選者上舍貢入內舍
在州學半年不犯第二等罰升爲上舍外舍不犯第三
等罰升爲內舍仍準上法諸生以八行中上舍之選而
被重入太學者上等在學不犯第三等罰司城以下考
驗行實聞奏依太學貢士釋褐法中等依中等法待殿
試下等依太學下等法諸生以八行中選在州縣若太
學皆免試補爲諸生之首選充職事及諸齋長論諸以
八行考士爲上舍上等其家依官戶法中下等免戶下
友移折變借備身丁內舍免更移身丁諸謀反謀叛大
逆子孫及大不恭及不忠之刑

遊詛罵告言祖父母父母別籍異財供養有闕居喪作樂自娶釋服匿哀爲不孝之刑不恭其兄不友其弟姊妹叔嫂相犯罪杖爲不悌之刑殺人掠人放火強姦強盜若竊盜杖及不道爲不和之刑謀殺及掠總麻以上親毆告大功以上尊長小功尊屬若內亂爲不睦之刑詛罵告言外祖父母與外嫗有服親同母異父親若妻之尊屬相犯至徒違律爲婚停妻娶妾若無罪出妻爲不嫗之刑毆受業師犯同學友至徒應相隱而輒告言爲不任之刑詐欺取財罪杖告屬者鄰保伍有贖規求避免或告事不干己爲不恤之刑諸犯八行縣令佐州

知通以其事目以籍報學應有入學按籍檢會施行諸生有犯不忠不孝不悌不和終身不齒不得入學不睦十年不嫗八年不任五年不恤三年能改過自新不犯罪而有二行之實者鄰保伍申縣縣令佐審察聽入學在學一年不犯第三等罰聽齒於諸生之列

大觀元年九月十八日資政殿學士兼侍讀臣鄭居中奏乞以御筆八行詔旨摹刻於石立之學宮次及太學辟雍天下郡邑二年六月二十九日奉御筆賜臣禮部尚書兼侍講居中令以所刻石

通直郎書學博士

承議郎尚書禮部員外郎武騎尉臣萬昌勝

朝散郎尚書禮部員外郎雲騎尉臣韋壽隆

承議郎試尚書禮部侍郎學制局同編修官武騎尉隲

西縣開國男食邑二百戶賜紫金魚袋臣李圖南

朝請郎試禮部尚書兼侍講實錄修撰飛騎尉南陽開

國男食邑三百戶賜紫金魚袋臣鄭久中

太師尚書左僕射兼門下侍郎上柱國魏國公食邑一

萬一千二百戶食實封三千八百戶臣蔡京奉勅題額

殿上祇應臣張士恩奉聖旨鑄

案元宋渤潞州學田記云上黨學舍燬於兵余三十

年前見之惟存大觀聖作碑賜辟雍詔巋然二石對

峙於應門之前是此碑元末尚存其頽沒不知在何

時碑固天下郡邑所同立而徽宗龍潛時又嘗節度

此州不可無存也因取江寧金石記偃師金石遺文

記兩書所載校補於篇

賜神霄宮御筆手詔石刻

存

行書在天王廟宣和元年

神霄玉清萬壽宮詔

御製御書

道者體之可以卽至神用之可以挈天地推之以治天下國家可使一世之民舉得其恬淡寂常之真而躋于仁壽之域朕思是道人所固有沉迷旣久待教而興俾欲革末世之流俗還隆古之純風蓋嘗稽參道家之說獨觀希夷之妙欽惟

長生大帝君

青華大帝君體道之妙立乎萬物之上統御神霄監觀萬國無疆之休雖眇躬是荷而下民之命實明神所司迺詔天下建神霄玉清萬壽宮以嚴奉祀自京師始以致崇極以示訓化累年于茲誠忱感格高厚博臨屬者

三元八節按冲科啟淨供風馬雲車來顧來饗震電交舉神光燭天羣仙翼翼浮空而來者或擲寶劍或灑玉篇駭聽奪目追參化元卿士大夫侍衛之臣悉見悉聞嘆未之有咸有紀述著之簡編嗚呼朕之所以隆振道教

帝君之所以眷命乎佑者自 帝皇以還數千年絕道之後乃復見于今日可謂盛矣豈天之將興斯文以遺朕而吾民之幸適見正于今日耶布告天下其諭朕意毋忽仍令京師神霄玉清萬壽宮刻詔于碑以碑本闕天下如大中祥符故

宣和元年八月十二日奉聖旨立石

王文考作魯靈光殿賦每韻興感止說聖哲文明洪景盧作唐選德殿記每節極論古今得失紀綱法度宋抑庵翁爲長春觀碑載上黨土俗好古文士以篤實才能武臣以勇悍忠義方士以純純朴素各守其一縉紳于功名之場俾後人持守者貴乎取信也神霄宮有道士曰劉知演長子縣之北軍人氏髫年出家禮本宮宗門提點武時晏爲師執巾櫛席下修煉道業徒衆愈興公叢林首出錫嘉號曰冲真玄靜大師爲潞州道正賜法衣上品掌教數年又曰同董提

點許知柔冲虛大師本州提舉李知微知宮李知章冲靖大師董知簡本宮提舉李知常賜紫金襴體真德靜通妙講師武知寧本州提舉齊知容提領本宮王知明等管領宮中事內外成績既而許武鶴飛暇日道正語之余曰宣和御書手詔摹刻碑記經兵火後訪之已無今石本金文玉軸笥中尙在遂出而觀之神筆燦然謂曰若命工復刊諸石且覽之者不待推尋歲月自知

神霄玉清萬壽宮之梗概也蓋我國家大元聖朝崇道通玄之誠意又

長治縣志 卷之四
滅物之廢興文之顯晦蓋亦存乎數耳壺林龍溪東
莖僅菴王天利跋雄山逸人賈志道摹寫刻石

大元國至順改元歲次庚午夏六月下弦癸卯吉日

碑前爲徽宗御札元至順中道士賈志道所摹刻者
書最工刻手亦佳

金

寶雲寺碑

存

正書在內王村西潛龍山皇統四年立

洪福禪院牒

存

正書在李坊村菩薩殿大定四年立

勅賜洪福禪院額牒

觀察判官張

節度副使董

同知節度使完顏

大定四年口月口日

牒文漫滅惟列銜大字三行可辨其額山大雲寺亦

有大定二十三年勅賜額文道殘闕另有

碑尙完好

岱嶽廟石刻三種

存

正書在城內天齊廟大定口口年立

上黨縣 時 錄事司

當縣契家先有闕僧人闕男重節闕時者闕地四分五

釐闕人連名闕今自願除重節向街前頭闕南邊闕南

東西地闕起牆東至街西至闕豬圈西距牆爲界闕四

街出入闕上地步重節逐人每闕時具如闕

錄事司新闕理均訊闕時

大定八年 月 十六日

右契文可辨者不及百字前有上黨縣七字大書末
行年月鈐上黨縣印文九疊方一寸一分許

昭信校尉行縣尉飛騎尉王

忠武校尉行主簿吾古倫

顯武將軍行縣令騎都尉劉

使衙 公據 來字號

修理闕官點檢至應闕神祠闕給投數內闕

開元寺治南街西面闕會神客其闕

間共壹拾闕本界闕

右 頭 大定二十年 日

右契前列銜三行及使衙字並大書契文五行多殘
闕未行鈐印一其文可辨者有潞州提舉字大於前
印三分許

□立岱嶽行宮廟地記

□□□已酉歲仲夏望日開元寺前裴溫等告本街先
立□□行宮一所在今次南後至戊子歲本街王重節
等經上黨縣照對自願移□錄事司吐退官□四分五
釐□先□勾廳人李德□重移建廟正殿三間門樓一
間并神□全至大定二十年十一月內奉 使衙依準

省部條理□差官點檢給付公憑見行賈榮收執□用
今來有次南隣修建宅舍有侵地步□人謀於宮中□
□事□武略張公進到前後□憑親詣指證培立界至
今欲將元給到官中公憑刻□永爲照驗聞說告於衆
曰自□□開闢□□□立始建君臣伏羲八卦以正人
倫伏以岱嶽至尊也且國家立其祭祀上則可以祭天
地下則可以祭嶽瀆東嶽之神者乃天孫也敬之則降
靈重之有感應君臣黎庶皆皆能刻石爲正
使一方人獲福國之

長治縣志 卷之四
上黨秦德男秦口立石口摹刻

右記較前二石稍完好備錄之以見彼時公牒之制
多羅經幢

存

正書在中村湯廟大定二十二年立

經文不錄

先師殿碑

存

正書在蔭城南聖井背村大定二十三年立

據文瓊沃爲唐宗室出家得道者而果以鄉貢至尊
爲先師金時佞佛成風其陋若此

興學賦石刻

存

行書在府學承安三年立

興學賦并引

東山逸翁申良佐謹呈

河東爲天下雄勝之地而上黨乃河東名郡故號爲天
下脊其人物勁豪自古忠臣義士多出焉郡之長衢之
東南文明之地有學校存焉自隋而上遠而不可知見
之碑刻者李唐以來於此
學校亦隨而興

而郡之士子紆青拖紫者比比有之學之興也從可知矣至正隆間學者多困於征役不暇修習其學舍漸至摧毀幾不能蔽風雨良可惜哉欽惟主上中興以來敦復文教俾郡國俱修學校獨斯郡之學累經前政寢而不議自通守權鎮喬侯下車之始首議興修爰卜大定丁酉五月丁巳經始至是年十月乙亥告成越翼日丙子集僚屬郡儒於議道堂大合樂以落之方此工之將畢也適有旨立學官養天下之士固其興衰自有時乎何如此之偶然也僕固嘉喬侯興學之勤意又且樂遇明時之爲幸故敢作興學之賦以獻焉其詞曰 吾聞

之三代之道兮立庠序建首善自於京師至於鄉里有教兮將令俗易而風移使四方皆從其化兮足以立太平之基故然明請毀鄉校子產對所以議政之善否若之何而毀之如其廢而不修鄭人刺以子衿之詩雖文化由上之人倡率亦由守令奉承以周旋故文翁起學於成都之市經明行修者皆足以任使自後郡置其學官由蜀郡而爲之始范甯亦立學於餘杭使諸生敦行而潔已致風行而化流自晉之中興以來未有如此嗟吾邦學舍之荒涼土木之頹頽豈止學者之不可居翫莫收賢者之不可待其興修蓋亦

年於茲矣嗟我喬侯之來何莫兮今方幸得一新而崇起將以尊師講道藝明經取青紫由是鄉里之間郁郁乎有文歎頌之聲洋洋乎盈耳文翁固無少讓范甯烏足爲比蓋誠加勤意而然豈虛尚清淡而已行看不次而升之廟堂之上誠能教育天下英才之美蓋君子之所樂固無以加於是諸生或有謂僕曰方此工之將畢也適有旨養天下之士何其不謀而同歸異處而同出僕應之曰斯固興廢之有數亦乃君臣之德一僕方悼道之鬱滯而文明之化不圖復見於今日固將與諸生樂升平之永履閱學廢於曠昔儻非斯學之復興則吾

徒將安之而講習噫喬侯之心仁人之心也狂斐之言形容之不足故復系之以短什且與諸生歌之詠之所以推揚其茂實也儒館興崇始自今茲歌喜復嗣徽音文風將見如齊魯免使詩人賦子衿

承安戊午十二月中休日 侍郎守信州軍事判官倬

謹書丹

潞州重修學碑

佚

文載舊志平陽毛應撰

禮經有言曰古之

教學爲先又曰君子

欲化民成俗其必由學乎是以家有塾黨有庠遂有序
國有學蓋由教化之本太平之原靡急於此一日而不
可廢也自封建五等之爵罷天下爲郡縣承流宣化共
理之效責夫守令號師帥之官其間遵古制迹掄選賢
能稱爲得人享祚長永惟漢唐爲最如漢之文翁唐之
常袞又其超卓著見者也文翁守蜀起學成都市擇諸
生開敏有才者親加飭勵待以殊禮吏民榮之爭爲弟
子富人出錢求之大化僻俗學於京師者比蜀於齊魯
至孝武帝令郡國皆立學還從文翁始袞爲福建觀察
使初建人未知學袞大設鄉校使作文章躬勤講道與

之鈞禮游饗得預習爲一變歲貢士與內州等厥後建
蜀名士輩出聲動海內二公各立生祠春秋配饗迄今
宗仰顧不美哉皇朝龍興太祖皇帝應天順人以武定
寰宇太宗皇帝聖烈丕承卒其伐功雖謨布文德以綏
遠邇而儒學之事未遑編舉迨世宗皇帝撫運御極猶
殷高宗周宣王懋中興之業乃責明庶政表章六藝卽
京府立教養之法合菁莪樂育人才之雅外官到任謁
境上神祠首詣宣聖文明之治以爲勸學之始矣至嗣服
適追順孝旁招俊又興
復經義宏詞訓

等凡在選官並帶提舉學事文風炳然將匹休三代下
鄙漢唐爲不足較也宗室懿親左右貴臣比比分大燕
以明倫善俗風教是尙前禮部尙書翰林學士承旨李
公領懷州節度旣告致政不數月復起領潞州節度公
澤之高平人澤今爲覃懷支郡而舊隸上黨二除皆衣
錦寵命輿論所嘉焉下車未幾千里翕然若素被陶冶
稔聽號令知所畏愛矣一日與賓屬議及州學歎咨駭
毀且怪其制度卑隘則知兵火之餘因陋就寡草創所
成卽謀重修務增廩而一新之邦人大悅前有形勢之
家冒侵地土久假不歸者盡歸之鄰接相礙參差斷缺

不能自安者盡願斂之於是捐清俸請公帑助工役繪
圖按式大加營建正殿中峙長廊翼舒殖殖其庭高門
有侂殿次起堂以待橫經問道燕談仁義中門東西兩
序對爲廳事以俟奠謁之官更衣望揖至於生徒齋館
貯藏庫廩一一備具莫不棟宇雄壯丹堊鮮華耽耽闕
陽沈沈闔陰使望之者踈過之者趨在侯伯之國禮典
之廟實爲稱矣公以提舉職事每常訪臨督勉進修曲
爲教誨豈有繼城闕之謝公其業見行俎豆之
禮低徊而不忍去與公之楊子雲

美於前歟學之正錄二士來索記言麾辱公知遇作同志友乃獲其慶斯文之亭會庸贊吾道之主盟是誠可書也故樂爲之記

元

修廟學疏石刻

存

草書在府學蒙古太宗十二年立

重修宣聖廟疏

竊以聖人贊天地休將名口取奕世講春秋之祀特其餘爾况皇朝自創始以來以文教爲守成之具翕然四

海天蕪已開獨此一邦儒風未振向也一牆之數仞今而禾黍之一墟口能興學以化之是豈承流之至耳益恢前績永贊皇圖

庚子年八月疏

宣差總管安撫使粘合

亞嶽廟碑

存

正書在廟中蒙古憲宗二年立

潞州亞嶽廟碑記

高麗碑記

十七卷英書丹

上黨郭國材篆額

夫混沌之氣判而後有天地天地之形分而後有陰陽
陰陽肇而生萬物故人稟天地陰陽之氣生而爲萬物
靈其聰明正直沒而爲神者有之神之爲神載在祀典
者尤可敬而信也然杳杳冥冥人莫測其所在莫知其
所居惟觀廟貌之嚴則有以吉凶求之者有以災病禱
之者果能感動以誠則吉凶災病之兆致有垂象而預
報驗於行事昭然可見故人之尊崇祀饗之禮豈可不
盡其敬哉孔子聖人也有敬鬼神之語子疾病子路尙
有禱之之請李僕射處隋季世遑遑無所之而禱於西

嶽以決去就神命歸唐終能垂功名於竹帛此亦禱神
之明驗耳鼎始被朝命充行中書省掾從戎南伐承乏
員外郎前後幾十五載迨丁未春掠揚州師旋將有闕
廷之行時屬首夏先以淮甸二麥垂成元戎今諸軍蹂
踐之鼎雖在簿書中亦不免躬服其勞而濕暑方殷偶
得先便後血之證論者皆以血痢及腸風下血等證療
之諸藥卒無取効者季夏有六日居天黨館於楊榮宅
專以療病爲急務幾三旬終未効遂行赴闕醫
者河內馮曼鼎語之曰

之乎漢主以

八代行

緩未除根本先有已成之藥二十餘種然不知何者可
得收斂効鼎自思之今日之疾或愈或否實係進退既
有關係則神必能知其所以然也一日特以誠心敬禱
於祠下曰此疾若止則行期可決如或不已則議行實
難神本聰明正直之故而能爲神神既有靈則人之進
退諒必洞究於中也如鼎此疾神豈不知若有進之之
分則乞賜名方若有退之之理則卒無良驗遂以二十
藥方各書於卷置之盤中用物覆之祝曰□□□而求
方其連中者必服其藥以十服爲率三日爲期病能愈
則神之力也若此行見勞報甯敢後祝畢探之一方連

中名曰枳殼宣連丸

此方得之於高平馮澤民

迺服之盡劑疾果愈

遂成其行戊申初春達闕下沐宸恩優恤特賜金符授
以宣命政充左右司同議官仍遷郎中賜白金三百斤
以酬從戎之勞及子希甫謬以所述之詩朝廷士大夫
亦荷皇嗣見知擬以爲樣賜白金有數非神能知進用
之機加護持之力焉能至於此乎適知人神無不協之
情幽顯有相通之理故自誠感神享於克誠之言信不
誣矣嗚呼之事神者當以誠敬爲先以黍稷爲末如或
不饗雖殺牛而祀又豈益於神乎今謹創軒檻一座不

撰文諸石以紀其

神之高一聯申報

之意抑使世人知酒煮大黃湯及枳殼宜連丸可謂止
便血之良法云

癸丑四年四月初四日立石 管籬官李德用

助工人權州李筠 經歷高旺

案此與前碑皆不書年號以文義考之書在世祖中
統建元之先

五龍廟碑

存

正書在五龍山元貞二年立

重修五龍廟記

上黨縣主簿兼尉兼管諸軍奧魯杜堯佐書丹

潞州學正程世文篆額

寰宇之內茫茫禹迹有山川則有水土有水土則有人
民有人民則有城社有城社則冥冥然有神明赫赫然
有師尹各職其職山川水土雨風露雷則神明主之以
徵休咎人民城社禮樂刑政則師尹主之以敷教化故
能裁成天地之道輔相天地之宜以左右民人神相資
理若影響潞之東南距城二十有五里有山曰五龍環
山皆長松黛色參天巍然森聳拱巖鎖翠鬱鬱葱葱上
有龍祠能興雲致雨每遇旱乾有禱必應前代封合

五龍王爵廟貌深嚴歷代奉祀居民香火不特歲時元
貞改元天下大熟獨本境高寒兩鮮霜早害於西成民
有饑色又迫年例遠輸之役人情恟懼道路嗷嗷嗷
有司稽延不報適會侯公耀卿來知是州下車之始首
勸農民勉種二麥爲明年計仍卽同僚共議曰民惟邇
本食乃民天食歉民饑義當賑濟而復董遠輸是在上
弗及知也我等親臨安忍坐視遂與達魯花赤小迷失
徑詣府庭伸懇得免闔境遠倉之輸百姓感悅咸德二
公旣而冬無積雪將出土牛公爲之憂而內自訟曰旱
乾水溢予乃知州不得不任其責刻敬謁龍祠密有

禱神感其誠翌日乃雪相繼霑足除夜又復大作元日
賀正掃階拜舞臣民同樂望闕歡呼春滿四郊滯積涌
出饑民獲安舉欣欣然有喜色公暨同僚詣祠報謝鄉
民有不期而會者數十百人禮畢因徧歷前後顧瞻廟
貌憫其庭宇荒涼門牆頽缺風簷雨壁毀瓦畫鏤人所
不堪神何甯只乃謂耆宿曰神其能福汝等汝等復能
報神之貺與我共興此廢乎衆皆曰諾於是首捐已俸
施及同僚屬吏部民皆悅而願爲之助上下如一不謀
而同命匠鳩工有壞必葺乃屏其蕪牧禁其樵蘇瓦其
繚垣石其堦砌中門舞榭刻起其樓正殿長廊悉完所

損神龍聖像繪綵維新望之儼然尤壯麗於曩者也厥
功告成歲則大熟鄉民咸相謂曰嘗聞神依人而致靈
人賴神以獲福人神感應固不誣矣豈若我等以守臣
之德蒙神明之惠身親見之可不記乎耆老韓廣董善
忠等撫其實以請其文且告且嘆曰是廟也一方水旱
之所繫者也官是州者非不多也謁是廟者非不先也
游晏者非不屢也祈禱者非不頻也向也蓋白牲酒獻
斟而往者豈復顧夫廟貌之狼藉也耶今也祈則盡誠
報則盡禮弊者復完廢者復起感而遂通所以致時和
歲豐者也願刻諸石予諭之曰善爲政者在公無不刊

之心到手無不了之事豈獨廟乎吾州起廢補弊之務
尙多將見其績舉而皆畢之自此爲始吾爲汝記之

元貞二年九月二十日中奉大夫前遼陽等處行尚書

省知政事楊仁風記

崔府君廟碑

存

正書在城東門內大德元年立楊仁風記

有陰

斯文樓碑

存

正書在府學大德七年立

潞州州學創建斯文碑記

國朝開創以來以武德定天下削平禍亂混一車書正當文治之時累頒明詔重惟學校爲論區區作養人材所欲共治天下爾承流宣化者未之思也奉行故事而已惟廟貌精舍之惟嚴俎豆罇鬯之惟潔門牆階屺之惟新泮沼儀制之惟法丁祭朔望之惟謹日子之責塞矣弦誦之事則有司存教官之來而能循循然善誘者每於朔望禮畢之後時就講堂說書雖口然一暴十寒爲之猶賢乎已其或未然者名徒在泮如守小庠暮墨朝朱以敦課誦中人之材三年能有成乎或有訪論稽

古所在并無官書而能口以傳授幾何人斯所事未終所職終矣教官振衣而去乃所謂吾退而寒之者至矣所以因循有年竟無事效如此普天之下將爲有人乎無人乎正途山徑相去幾何漸爲茅塞矣此豈人之性也哉教育不得其道爾初蓋君子旣承前政也戚戚然隱其違闕推當仁不讓之心有見義必爲之勇反常合道制其宜也遂乃載申學政請醕儒以助教官從事遵古人設教之先後正童蒙爲學之次序自灑掃應對進退動容周旋必中禮使知子弟當爲之職以消積習驕傲之氣入則孝出則弟謹而信汎愛衆而親仁行有餘

力則以學文仍創購官書萬有一千五百二十卷備二
篇之策當萬物之數築樓以貯之泮宮以資學者肄業
之本使士子力學者得讀所未讀之書得知所未知之
事人一已十人十已百人百已千日知其所亡月無忘
其所能溫故而知新博學而篤志孳孳汲汲切問近思
溯窮理正心之源流明修己治人之本未在此於至善
而行其所安閑邪存誠居仁由義沉潛反覆歷飫優游
精義入神以致其用然後讀史知夫自伏羲畫卦爻以
明理造書契以紀事後世聖人明理爲經絕事以爲史
史爲案經爲斷以經義斷往事也而百王綱理世變之

道典禮之損益治厯之污隆風俗之美惡人物之邪正
靡所不載案筆削之美刺微尚論之詳評真是真非必
使了然於胷中而後已無或耽玩詞采以資爲文以博
聞記湛於浮靡徒費工夫而無適於大用矣諸子百家
之書雖小道必有可觀者焉致遠悉泥學者可知也斷
不可爲也而但漫漶經史游泳古今融會貫通怡然自
得自得之則資之深資之深則取之左右逢其源蘊之
爲道德行之爲事業發之爲文章施之爲政事引而伸
之觸類而長之天下之能事備矣教育既不負於士士
豈負於選舉哉士自利達者則在選也之於樓恆不致

風雨虫鼠之所蠹耗損壞以待後之學者此所謂君子以教思無窮容保民無疆也豈古忠武之監臨可度蓋奉訓之夙夜在公何承事之贊畫生明邵保義任從事之書判如史件右數事斯未足爲諸君多有爲者其或能之其自任以爲吾道力者是難能也故知之者不如好之者好之者不如樂之者此聖人之格言豈徒然哉其能之者非徒知而徒好之者也實樂而爲之者也樂之者猶君子有三樂之樂然大同而小異者也君子之有三樂者豈必然之樂也喻如是之有可樂之一事以爲所樂之一樂其未樂也今之有三樂其自然之樂也

誠如是是有可樂之一事始爲所樂之一樂其真樂也寥寥聖域冷若死灰一變而致其道駸駸乎追乎鄒魯矣風動四方其惟自潞泮始一樂也仰亦不愧於天俯亦不作於人二樂也築斯樓貯斯書得天下英才而教育之三樂也樂三樂之真樂能人之所難能施及士民而亦樂其樂也長居縫掖去擔簦負笈之勞白叟黃童動泮水采芹之思尙體累頒之明詔永惟兼善之良規夫天之未喪斯文亦欲成諸君之美坐訓萬世之後人也

大德七年四月吉日中奉大夫前遼陽等處行尙書省

參知政事楊仁風記

大德七年五月口日敦武校尉平陽路潞州上黨縣達
魯花赤兼管諸軍與魯觀農事伯顏立石

保義校尉平陽路潞州判官兼管本州諸軍與魯邵顛
書

案斯碑碑陰備載所藏書目計一萬一千五百餘卷
半出郡人捐送亦盛舉也內如雷氏易祖庭記聖政
要括宋寶錄輿地類考五朝言行錄唐三百家詩皆
今世失傳之本

重修文廟碑

存

正書在府學大德十一年立

重修文廟學記

河間路儒學教授李經國書丹 懷孟路儒學教

授范子廉篆額

古者國有學術有序黨有庠家有塾屬其民人相與講

明道藝於其中卽其學位先聖先師不忘乎本是以有

釋菜奠帛之禮蓋因學以有廟也後之學者孰不宗焉

以謂夫子之德巍巍然配天地昭昭然如日月孟子曰

以予觀於夫子賢於堯舜遠矣自生民以來所未有爰

自京師至於郡邑皆立廟而通祀之亘萬世不易之道
潞之廟學其來尚矣正位禮殿與夫衆賢之廡講授之
堂齋居之所牲薦之厨應圖合制其興學之始末賢儒
之石刻詳矣大德癸卯坤輿震動悉爲隳圯雖正殿僅
存牆壁傾仆聖像損缺堂基鞠草瓦礫盈庭四易寒暑
孰加完葺歲舍丙午監州咬任奉直承務同知王承務
判官李敦武州從事王敬璋莅政之暇務以興修廟學
爲事蓋以國家守成尚文有司當振飭文事贊久安長
治之盛聖天子踐祚之初詔諸路府州縣邑應設廟學
書院廟宇損壞隨卽修完公等寅奉教條同謀協慮更

相贊和龜勉朝夕庀徒藏事工力偕作再完殿壁益新
聖像構東西廡四十間戶牖門墻黝堊丹漆舉之法堅
整高明視大邦君之居夫子南面垂蔬被口鄒兗兩公
十哲之位侍章施足繪七十二子大儒之像爲卷軸九
十有六從祀之日張而懸之訖事韞於楨中爲禮器三
百餘事足供奠設增置書三百八十餘卷縑素彩繪之
資工匠飲食之費蓋州之屬邑里居士夫暨鄉之富而
好義者共樂爲之助經始於是年二月初落成於六
月之終嚴嚴翼翼截然一新在侯伯之國禮典之廟爲
獨異四方來觀者皆失喜稱歎咸謂衣冠禮樂盡於是

長治縣志 卷之四
矣抑亦樂其尊賢育才立學於成德堂集鄉之後秀者
時習所業除其更徭作養人材以備擢用州之外四圍
官壕地盡付學永爲贍給備口口朔望師生廩餼之用
學正張郁廣平縣人世爲儒家才德學問悉有稱道屈
已誠心接人應物贊行其事比之前爲教官者有間矣
直學魏必大等合辭謂僕曰是役也吾州官長善於經
度監州督視尤公勤焉昔所未完無不備具誠不紀其
歲月無以昭示永久幸吾口口口口僕謝曰豈敢以
不腆之辭爲言於聖人之門乎然俎豆之事固喜聞而
樂道之夫風俗天下之元氣學校天下之大綱僕君臣

有義父子有親喪婦有別長幼有序朋友有信睦婣任
恤知仁聖義忠和化民成俗天下豈有不學而能之者
乎俾山郡之學載闡林之化愈口口口口知禮口口口
口口優游饜飫於聖賢之域日加益而不自知人有士
君子之行將復振鄒魯之風矣使一鄉之人皆有所矜
式而景口口口口口名何時而已哉夫創作繼述非一
時而能備後之從政者當增而廣之弊則新之修飾之
潤色之不亦宜乎郡人李天祿記

是碑中有圓鑿俗傳石藏寶珠一士人朝夕摩玩竟
取去視其鑿痕紆曲旁下大僅容拳或然荆山之璞

卞和識之古今未嘗無儼

五龍祠石刻三種

存

行書在祠內皇慶元年立

五龍山禱雨二碑

存

正書在祠中一天曆三年立一至順三年立

昭覺寺碑

存

正書在寺舊址至正二年立

學田碑

存

正書在府學至正四年立

潞州學田記

集賢學士中議大夫宋渤撰并書

上黨學舍燬於兵余三十年前見之惟存大觀中聖作

碑及賜辟雍詔歸然二石對峙於應門之前而已爾後

來知州事者咸以官方須勸學故皆願致力焉乃爲廟

堂以像聖人爲兩廡以畫七十二弟子配享漢唐以來

諸大儒從祀爲講堂爲齋舍爲師生肄業之室凡三易

尹閱二十年然後學制苟完別有刻石載其事文登人
劉傑來爲州曰學制苟完而生徒受業者歲中無以食
於墳實不可闕乃於柳林里取間田四頃餘畝擇謹信
吏一人守之以爲二仲月釋菜之資爲舍中晨昏之餐
至元二十八年於藩王小薛得分牧地上黨而學田籍
故閒聞田中故事諸藩牧馬地民無敢犯守吏以白
王召學正程世文語之曰吾以知分地中有隸學校者
吾不可奪汝善收取無恐也乃下教盡畀之世文與余
同里開去歲以書來云列郡皆有學爲守帥者少不加
念則蕪廢不治因循以應公上之例十郡五六也

大父言吾州承平時號衣冠藪澤習科藝者連薈接里
如鄉先生王公大用劉公貢父金昭義軍節度使文簡
李公父子禮部尙書楊公之美君家伯父訥軒先生及
鳩水公皆由此州人士以登太學名聲赫然至於今頌
於鄉粉聞於四海而又前後爲政三尹皆能謹庠序之
事知其爲王政之大端者今賢王復有錫田美意口刻
之石具其始終告後人幸文之蓋余於興復之初及畢
手之日皆嘗與言焉程君自幼受經於鄉先生及長爲
諸生於齋舍今老矣得在教官其於分內之事宜無所
不盡心是宜書余亦里中人盍敢不勉第以守官四方

長治縣志 卷之四
不獲親書不腆之詞於石上爲恨俾或善工摹而刻之
於父母之邦亦庶幾與罷光焉 州吏李世傑摹勒

至正四年五月吉日立石

重修洪福寺碑

存

正書在李坊村至正九年立

李貴墓碑二種

存

正書在蔭城鎮至正十七年立

忽都帖木兒德政碑

存

正書在城外至正二十一年立

前上黨縣達魯花赤忽都帖木兒德政記

德之孚於民者有徵誠之格於天者無間固理勢之自然乃人事之明驗者也初上黨監縣忽都帖木兒正卿公以勦繁治劇之才膺選用守令之職下車之始興廢補弊一以愛民爲心時當口口殘燬之餘口野蕭然民無甯日公招來撫綏諭以團結自保之法仍劭耕桑以足衣食興學校以立名教民咸安堵而免流離之患時河南行省平章榮祿塗庵公奉詔保衛關陝撫安省冀

便宜行事分遣大帥關保懷遠守把太行關隘潞爲晉
之東藩倚重尤劇而有司供億科徵無法公下令曰國
以民爲本民以食爲天若征歛暴橫是速民於亂乃括
量民田分山野水陸之利驗肥磽多寡之數著爲籍額
餉悉升合芻計勛兩貧富無不均之歎於是軍民帖然
上下舉安一縣稱治鄰境取法焉加以號令嚴明信賞
必罰鄉村絕胥徒之擾將士無關餉之憂非幹濟通民
之才能若是乎至正己亥自春徂夏雨暘不時公齋沐
積誠籲天禱神往復露跣晝夜數請城南五龍祠下哀
泣叩頭至於出血天憫其哀澍雨大降秋城雖曉而雀

無饑色軍食且足縣治西八村民有晝夢神人語之曰
今一方大旱爾於縣廡拜求聖水雨必降矣民寤即往
公謂之曰吾爲生人安降聖水縣尹李公時敏曰驟豈
如此姑盡民意於是民皆稽首至地者數四而聖水果
降二瓶官民驚愕捧戴而去越翼日雷風不興霹靂霹
足先是六月初旬山東飛蝗越太行而西禾黍多被嚙
害始至潞境公輟政致禱罪躬自歸令民捕逐蝗遂越
境而逝終不爲害非誠與天通德洽蠢動者惡足以及
此乎書曰至誠感神易曰信及豚魚蓋天地以無私而
覆載造化以無私而運用人於其間得理氣之清且正

而爲司牧者至公無私德化及民以之格天地事鬼神
誠意交孚無有遠邇之間今正卿公自縣而陞爲監郡
則一郡蒙其福自州而陞路治中則一路被其澤治民
事神皆盡其道所謂良有司者舍公其誰歟邑民郭溫
諒等微文刻石以示將來故勉爲之記

篆金石著錄例止於元物以古爲貴以少見珍也前
明碑碣存者林立擇其文之雅馴者散注他篇不
備著其目

